

# საბჭოთაო რევოლუციური იდეოლოგია

საბჭოთაო რევოლუციური იდეოლოგია

№ 23.

10 ივნისი, 1922 წელი.

№ 23.

## მოსკოვის იმპერიალიზმი.

ჩვენ ცოველთვის ვამტკიცებდით, რომ მოსკოვის კომისართა ჯარების შემოსევა საქართველოში იყო გაგრძელება ცარიზმის პოლიტიკის, იყო მკაფიო და აშკარა გამოხატვა მოსკოვის იმპერიალიზმის.

მაგრამ ვერ წარმოგვედგინა, რომ მოსკოვის კომისრები იქამდე დაეცემოდნ და გათხსირდებოდნ, როგორც ეს დღეს გამოაშკარავდა.

მართლაც რა იყო მიზეზი საქართველოს დაპყრობის?

დახმარება დენიკინ-ვრანგელის ჯარისადმი? სრულიადაც არა. ეს ჭორი ხომ შემდეგ იქნა სახელდახელოთ შეთხზული თვით ბოლშევიკთა კალმის ჯამბაზებისაგან. საქართველოში საბჭოთა სისტემის «რევოლუციური» გზით გავრცელების სურვილი? რასაკვირველია, ასეთი სურვილი დიდი ხნიდან ქონდა მოსკოვს. მაგრამ განა მან თვითონ არ დაახურდავა თავის კომუნისტური პრინციპები და სისტემები ბითუმით და ნაჭრობით გასაყიდათ?

თუ ეს ლოზუნგი—საბჭოთა ხელისუფლების შემოდების გადმოსროლილ იქნა ეს უმთავრესათ უფრო იმ ქართველ მახინჯებისთვის, რომელთა როლი უსაშინელესი ბოროტების ჩადენა მშობელი ერის გაყიდვა უნდა ყოფილიყო.

ამით ჩვენ არ უარვყოფთ, რასაკვირველია

იმას, რომ მოსკოვს ჭირივით ეჯავრებოდა საქართველო, როგორც დემოკრატიული და ნამდვილი რევოლუციონური ქვეყანა, რომელიც თავის მაგალითით—სამოქალაქო ომის უარყოფით, თავისუფლებებსა და ხალხს ნამდვილ ნებასურვილზე დამარებით, უმრავლესობის პრინციპის გაბატონებით და უმცირესობის დიქტატურის უარყოფით, ცოცხლათ შემარცხვენელი და სახელ გამტეხი იყო მოსკოვის დიქტატორთა უმსგავსო საქციელის და საშვალებას ართმევდა მათ კომუნისმის მაღალ იდეებით თავის ველური მოქმედება გამართლებათ.

მაგრამ ეს დაპირისპირება, ეს ცოცხალი მანხილებელი შეიძლება კიდევ მოეთმინა მოსკოვს, რომ სულ სხვა, ნივთიერი, საიმპერიალისტო მიზეზები არ გამოჩენილიყო, რომელმაც მიიზიდა ოდესღაც მეფის თვითმპყრობელობა. ეს გახლდათ ბაქოს ნავთი და მისი გასავალი გზა ბაქო-ბათუმის ხაზი.

აწერბეიჯანი და ბაქო მან კიდევ 1920 წლის გაზაფხულზე ჩაიგდო ხელში და აღსანიშნავია, რომ სწორეთ ამ ხანებში მან მეგობრულათ ხელი გაუწოდა საქართველოს დემოკრატიას და მასთან ხელშეკრულება დასდო, რომლითაც იცნო მისი სუვერენობა, და მის შინაურ საქმეებში ჩაურევლობა. ეს იყო 7 მაისი.

მაშ რაღათ დაესხა მას თავს ათი თვის შემდეგ! ნუ თუ საქართველომ მას ნავთის გზა შეუკრა





ქართული  
საბჭოთაო  
დემოკრატიული  
სოციალისტური  
რესპუბლიკის  
თავისუფალი  
საქართველო

და მოხრჩობა მოუწოდომა? არა და ათასჯერ არა. საქართველოს დემოკრატიის ყოველთვის სწამდა, რომ ბაქოს ნავთს გზა ევროპისაკენ ბათომზე აქვს და რომ ეს გზა მას აუცილებლათ უნდა მიეცეს. და მან მისცა კიდევ. მაისის აქტის ზეორე დღიდანვე საქართველო შეუდგა საქირო ხელშეკრულების დადებას რუსეთთან, და რამდენიმე თვის განმავლობაში იგი დაამთავრა კიდევ. რუსეთს მიეცა საშვალეობა საქართველოს ნავთსადენით სრული სარგებლობის და ბათუმის პორტის და ნავთის საწვობების სავსებით გამოყენების. მას მიეცა უფლება სხვა ყოველგვარი საქონლის საქართველოს კარებით თავისუფლათ გადატანის. ერთი სიტყვით საქართველოს სოციალისტურმა მთავრობამ, როგორც ეს შეფერის ბეზობლობას და კეთილგანწყობილებას, რუსეთის ყოველი ეკონომიური ინტერესი დააკმაყოფილა. მაგრამ მისი აწიური ფინანტიზმი და საშვალეობათა განურჩევლობა ამით ვერ შეაჩერა. მოსკოვმა მაინც სისხლის დაღვრა იჩრია, მაინც ხმალსა და ძალადობას დაადგა, საუშვობესოთ მაინც იმპერიალიზმის, დაპტრობის, პატარა მეზობლობის განადგურების გზა დაინახა.

რატომ?

აი აქ მივადექით ჩვენ მოსკოვის იმ უკიდურეს დაცემას და პოლიტიკურ გათახსირებას, რომელსაც აღმოსავლეთის უსასტიკეს დესპოტიების ისტორიაში თუ შეხვდებით.

გაკოტრებულმა და აოხრებულმა რუსეთმა კომუნისმის დათმობაში რომ ვერ მიიღო «ოტსტუპნოი» ევროპის კაპიტალისაგან, ისევ თავის ქვეყნის სიმდიდრის გაყიდვას და დაგირავებას შეუდგა. მაგრამ რეალურათ სადღეისოთ ასეთი აღმოჩნდა მხოლოდ ბაქოს ნავთი. სხვა ყოველი სიმდიდრე ან აოხრებულა, ან გასატანათ მიუწოდმელი უგზობობის თუ სხვა გახდაუვალი დაბრკოლებების გამო.

და მოსკოვი შეუდგა ნავთით ვაჭრობას... და აი აქ ამ ვაჭრობის პროცესში ნავთთან ერთათ გასწირა მთელი ერის თავისუფლება, სოციალისტური რესპუბლიკის, ნამდვილი დემოკრატიული ქვეყნის თკითარსებობა... ამ მიზნით შეუთანხმდა იგი ევროპის კაპიტალს და ოსმალეთის ფაშებს... უკანასკნელთ მან იარაღი და ფული მიუჭდვნა. პირველთ ნავთის კონცესიებს დაპირდა, ნავთის გაწიღვის მონაპოვლია შეს-

თავაზა, რაც დღეს ევროპაში ყველაზე უფრო ხარბიელოა და აი ამათ სამაგიეროთ საქართველოს დაპტრობის უფლება გამოითხოვა. საქართველო ხომ ნავთის გზაზე ძვეს და მონაპოვლიის შექმნა გაწიღვანე მისი მონაწილეობის გარეშე ლაპარაკი არ შეიძლებოდა.

და აი ეს ვერ მოითმინა მოსკოვმა და პატარა მონაწილეს თავიდან მოშორება, მისი სისხლით დამორჩილება გახდა მისი ლოზუნგი. სისხლი ხომ მას არაფრათ უღირს, — ნავთს კი ფასი აქვს. ფასი აქვს გაზსაც. მაშ საქართველო უნდა დაპტრობილ იქნეს, მარა როგორ? საქართველო ხომ ევროპისკენ იხედება, ევროპის მეგობრობს და მას იმეგობრებს. ეს კი საექვოთ ხდის მანე სანხედრო გამარჯვებას. ცხადია ეს უნდა როგორმე მოშორებულ იქნეს. და აი მოსკოვი ციღის ბაქოს, უმეგობრდება ფაშებს და ციღულობს საქართველოზე თავდასხნის უფლებას. ის ხდება ევროპის კაპიტალის შინა ცმათ—მის ყურმოჭრილ ლაქიათ და ებრძვის დემოკრატიულ-სოციალისტურ რესპუბლიკას. ის გვერდში უდგება ფეოდალურ ოსმალეთს, და მის ფაშებს, ხოლო ანგრევეს თავისუფალ დემოკრატიულ საქართველოს. ის კისრულობს ერის ჯალათობას რომ კაპიტალს ფინანსათ ფეხქვეშ გაეგოს და მისგან აღებული «წალობით» თავის არსებობა გაახანგრძლივოს. და იგი აღწევს თავის სისხლიან მიზნებს. საქართველო ხდება რუსის ჩექმის საჯიჯგნათ და მის გამციდველ უღირს პირთა სათარეშოთ. მაგრამ როდემდის?

მაგრმა შეასრულა თავის ბოროტი საქმე, ჯალათმა—მოათავა სამარცხვინო ხელობა და ელის სასციდელს...

მაგრამ აქ თავი იჩინა ისეთმა მოვლენებმა, რომელსაც მოსკოვის სატრაპები არ მოვლოდნენ.

ერთი მხრით იარაღით და მტრის სიმრავლით დამარცხებული საქართველო, შემოსეულ მოძალადეს მთელი თავის მორალური სიმტკიცით უარყოფს, და ბაქო-ბათუმის გზის თავისუფლათ გაყიდვის საშვალეობას მოსკოვს არ აძლევს. იგი მაინც მედგრათ დგას თავის სადარაჯოზე და მთელ ქვეყანას მკაფიოთ ეუბნება, რომ მისი ეროვნული უფლებების შელახვით და მისი დამოუკიდებლობის გადაქეღვით ბაქო-ბათუმის გზა გახსნა არ შეიძლება, რომ ეს გზა თავი-





სუფალ საქართველოზე გაივლის, რომ მისი არსებობა მხოლოდ ქართველი ერის ნებისყოფაზეა დამოკიდებული.

მეორე მხრით ევროპა-ამერიკის კაპიტალისთვის ბაქოს ნავთი იმდენათ მიმწოდველი აღმოჩნდა, რომ მაზე სამონოპოლიო უფლებების დამყარება მოსკოველ «ხაზინებისთვის» შეუძლებელი გახდა. და მთელ იმ აზიურ, უხეშ, უმსგავსე ლაქიურ ცბიერებას, რომელშიაც ასე დახელოვნებულია მოსკოვის სატრაპი, ის შედეგი მოცუა, რომ დღეს ბაქოს ნავთი ევროპა-ამერიკის «დიდი ბატონების» გასაცოფი და გასარიგებელი შეიქნა. მაგრამ კი ვერც კონცესია გაასალა, ვერც დაპირებული სესხი გაინაღდა. ეს გამოაშკარავდა გენუაში.

და მავრი დარჩა ხელცარიელი. იუდამ ვერ მიიღო თავის 30 ვერცხლი, სისხლის სასყიდელი.

სამაგიეროთ, საკმაოთ გასაგები და მისახვედრი შეიქნა ცველასათვის, რომ გარეშე კავკასიის ერების ხმის მოსმენისა და მათი კანონიერი ინტერესების მხედველობაში მიღებისა, ბაქოს გზა დახშულია და იქ არსაიდან არ მიისვლება. აშკარა შეიქნა, რომ რუსის უხეში ხიშტები დღეს საქართველოში შემოჭრილი ამ გზას მხოლოდ ხერგავს, სპობს, ახშობს და რომ მხოლოდ მისი აქედან ჩამოცილებით დაიწყება ხანა ბაქოს სიმდიდრის საერთო ეკონომიური აღორძინებისათვის გამოცენების. და ეს უნდა გახდეს ძალაუნებურათ მორიგ საკითხათ ევროპისათვის.

### რა მოგვიტანა გენუა?

ხალხი ხშირათ ილიუზიებით ცხოვრობს, განსაკუთრებით იქ, სადაც მეტი გაჭირვებაა. და საქართველოში ხომ ისე, როგორც რუსეთში, უბედურების აღმური ტრიალებს. და ყოველი დიდი, მსოფლიო ხასიათის მოვლენიდან დაჩაგრული ხალხი თავის უსამართლო ხვედრის გამოსწორებას მოელის. განა კაცობრიობა არ შეხედავს მის მწარე ბედს, მის ბედშობას, ძალმომრეობით, მოტყუებით, ხიშტით მიყენებულს და არ იტყვის სინდისს ქვეშ მის სასარგებლო სიტყვას? ნუ თუ უკანონობა, უსამართლობა, ადამიანის და ერის ელემენტარულ უფლებათა გაქეღვა ასე მუქათა ჩაუვლის გალაღებულ თავდამსხმელთ?

და გენუის კონფერენციაც ხომ ერთი ასეთი დიდი მოვლენათაგანი იყო, რომელსაც ევროპისთვის სამუდამო ზავი და ეკონომიური თანამშრომლობა უნდა მოეტანა, ხოლო მეზობლებისთვის უფრო ძლიერი მეზობლისგან დაფარვა და უშიშროება. ეს იყო სპეციალური მე-ნ მუხლი ამ კონფერენციის მოწვევის წინასწარი პირობის.

და ჩვენ ღრმათ გვრწამს ქართველი ხალხიც ელოდა ბევრ რამეს.

მართლაც გენუამ ვერ აუარა გვერდი საქართველოს, ვერ გადაუდგა განზე მის საკითხს. მაგრამ მან შეიძლება ვერ მოგვცა ის, რაზედაც ოცნებობდა ბევრი: თავის დახსნა ბოლშევიკურ ბარბაროსებისაგან, მან ვერ გააყვანიწეს ჯარი რუსეთს. კიდევ მეტი, მან ვერც კი შეაჩერა სვანეთზე თავდასხმა, თუმცა მოსთხოვა იგი ჩიჩერინს.

ერთი სიტყვით, მან რეალურათ ვერ გამოასწორა იმ უკულმართობის შედეგი, იმ სისხლიანი ეპოქის ნაყოფი, რომელიც თებერვლის თავდასხმაში და თავისუფალი ქვეყნის უხეშათ დაპყრობაში გამოიხატა.

და ეს არც შეიძლებოდა მოეცა. არ შეიძლებოდა იმიტომ, რომ დღევანდელი საერთაშორისო ურთიერთობა სამართლიანობის პრინციპზე კიდევ ლაპარაკობს, მაგრამ მის განხორციელებაზე დიდათ თავს არ იტკივებს. მისი მამოძრავებელია არა ეს ჰუმანიური პრინციპი ადამიანთა კულტურის შემუშავებული, არამედ მშრალი ეგოიზმი,—ანგარიშიანი დაცვა თავის ინტერესების და მხოლოდ ამის.

სხვა ქვეყანასა და ერზე ზრუნავენ და ლაპარაკობენ იმდენათ, რამდენათ ეს მათ საკუთარ ინტერესს ემსახურება, ეთანხმება, ისე მაგალითათ, როგორც მექარხნე ზრუნავს თავის მუშების სიცოცხლეზე მხოლოდ იმისთვის, რომ უმუშახლოთ არ დარჩეს მისი ქარხანა, და მათ ადამიანურ უფლებებს კი არას დაგიდევს.

საქართველოს გარშემოც წარმომდგარი დევა—ამ თვალსაზრისით იქნა განხილული და შეფასებული ყველა ქვეყნებისაგან. ძალთა უიღბლო, ინტერესთა შეხლა-შემოხლა იყო მთავარი გამსაზღვრელი ფაქტორი ჩვენი საკითხის, და მხოლოდ ეს. მართლაც მუშათა კლასს შეუძლია დღეს თავის მოქმედებაში მომავალის ბრწყინვალე პერსპექტივებით და საკაცობრიო იდეა-

F 11814







ლებით იხელმძღვანელოს. მხოლოდ მას შერჩა პრინციპიალურ სიმაღლეზე ასვლის და უსამართლობასთან შებრძოლების უნარი, თუნდაც იგი პირდაპირ მას არ ეხებოდეს.

და საქართველოსაც ამიტომ უანგარო დამცველი მხოლოდ ამ კლასის მასსასა და მოღვაწეთა შორის გამოუჩნდა. საცალალოთ და სამწუხაროთ მათი ხმა და გველენა საქმაოთ არ ისმოდა გენუაში, ისინი არ იცვენ იქ ისეთი ფაქტორი, რომელთაც შეეძლო დიდი კვალის დაჩენა. ბურჟუაზიული სახელმწიფოები კი მოქმედებდნენ სულ სხვა ანგარიშებით. ამას ადვილათ დაინახავს მკითხველი, თუ გადაათვალიერებს ცველა იმ ცნობებს, რომელიც ჩვენ გაზეთში იყო მოთავსებული გენუის შესახებ. მაშასადამე, ჩვენ დიპლომატიას უნდა მთელი თავის ძალღონით ემუშავნა, რომ რაიმე სასარგებლო შედეგები მიეღო, და აი რას მიაღწია მან. ბოლშევიკები საქართველოს თავის მოკავშირე, თუ მონაწილე რესპუბლიკათ თვლიდნენ, და მის წარმომადგენლობას თავის აგენტს ბუდუ მდივანს და ბ-ნ ჩიჩერინს აკისრებდნენ. ამის მიღება კონფერენციისგან იქნებოდა ჩვენი დაპყრობის დადასტურება. კონფერენციამ ეს უარცა, მაშასადამე ამით საბოლოოთ და მტკიცეთ განაცხადა, რომ საქართველო რუსეთის ნაწილი არ არის, რომ იგი დამოუკიდებელი, სუვერენული სახელმწიფოა. განაცხადა, რომ ბოლშევიკების ჯარის შესვლა ამ ქვეყანაში არ ქმნის მათთვის რაიმე უფლებას. საქართველოზე იგი უკანონოა, უსამართლოა, და რომ ჯარით შექმნილი მართველობა საქართველოს მთავრობათ არ ჩითვლება. ერთი სიტყვით, უარცა ის, რასაც ბოლშევიკები წინეთ და შემდეგაც მთელი თავის ენერგიით ცდილობდნენ მიეღწიათ. და ამ რაგათ საერთაშორისო მაშტაბით, ნათლათ დასურათდა მდგომარეობა საქართველოსი, როგორც დამოუკიდებელი, მაგრამ დღეს უკანონოთ დაკავებულის უცხო ჯარის მიერ, ხოლო წარმომადგენლობის უფლება—ქართველი ხალხის ნდობით აღჭურვილ, დღეს საფრანგეთში მყოფ მთავრობას მიეკუთვნა.

ეს არის თუ გნებავთ ჩვენს საკითხში ცველა ბურჟუის გაუანტვა, მოსკოვის მიერ ჩვენს წინააღმდეგ წარმოებული აგიტაციის გაკუდება, ტროცკის ფილიპიკების უკუვდება, მათი საერთოთ დაგმობა და გაბიაბრუება. ეს არის საქარ-

თველოს იმ უფლებათა აღიარება, რომელთა მან სამი წლის არსებობით და სახელმწიფოებრივი შემოქმედების გამოჩენით დაიმსახურა. ეს არის შედეგი წარსულის და გამართლება დღევანდელი გააღმასებული ბრძოლის, იმ სასტიკი და ერთსულოვანი წინააღმდეგობის, რომელიც ქართველმა ერმა ასეთი განსაცვიფრებელი სახით გამოიჩინა. პოლიტიკურმა მოღვაწეობამ ჩვენი დიპლომატიისა შესძლო ეს ხალხის ნამოქმედარი აღებეჭა და დაედასტურებინა, მისთვის სათანადო შეფასება მიეცა საერთაშორისო მაშტაბით. ეს არის იურიდიულათ და მორალურათ ჩვენი საქმის წინ წაწევა და ოკუპანტების უკან დახევა, მათი პრეტენსიების გაკუდება, მათი ძალმომრეობის ბოროტმოქმედებათ აღიარება.

მაგრამ ეს კიდევ არ არის იმ ფიზიკური და ზნეობრივი ტანჯვისგან განთავისუფლება, რომელსაც უცხო ჯარის უხეში ქუსლი აყენებს მთელ ხალხს. ოკუპაცია ისევ რჩება, ძალადობა ისევ გრძელდება, მოძალადეები ისევ განაგრძობენ ფაქტიურ ბატონობას. ეს ისეთი პრობლემაა, რომელიც დიპლომატიის და პოლიტიკური მეშაობის შესაძლებლობას აღემატება. საერთაშორისო ურთიერთობას არა აქვს დღემდე და არც ექნება დიდხანს, ისეთი ორგანო და საშვალეები, რომ მშვიდობიანი გზით გაასწოროს ჩადენილი უკუღმართობა. ამისთვის სულ სხვა გზები და საშვალეები არსებობა...

### ნავთის მნიშვნელობა საერთაშორისო პოლიტიკაში.

თუ მე-19 საუკუნეს სამართლიანათ უძახოდენ ნახშირისა და ორთქლის საუკუნეს, მე-20 საუკუნეს შეიძლება თამამთ ვუწოდოთ ნავთის საუკუნე. ე. წ. შინაგანი წვის მოტორის გამოგონების შემდეგ ნავთის მოხმარება და მისი საჭიროება საშინლად გაფართოვდა. ამით მთელი რევოლიუცია მოხდა მრეწველობაში. ნავთი შეიქნა მისი შემდეგი განვითარების უმთავრესი პირობა. ნავთის მნიშვნელობა კიდევ უფრო გაიზარდა ომის დროს და წავის შემდეგ, როცა ქვანახშირის ამოღება, სხვა და სხვა მიწეზეების გამო, ძველი რაოდენობით შეუძლებელი გახდა. ამას უნდა მიეწმუტოთ კიდევ ისიც, რომ ნავთით თბება დღეს აგრეთვე გემის მან-



ქანებიც. ამერიკის ფლოტის 80% დღეს ნავთზე მუშაობს. სამხედრო გეგმებისათვის ნავთს კიდევ ის უპირატესობა აქვს, რომ ის უმატებს მათ სიჩქარეს და, როგორც ნახშირზე უფრო მსუბუქი ნივთიერება, საშვალებას იძლევა მეტი ზარბაზნების მოთავსებისა და საერთოდ მათი უკეთ შეიარაღებისა.

ყოველივე ამის გამო ნავთის მნიშვნელობა ძლიერ გაიზარდა. ის გადაიქცა დიდ საქიშპო საგნათ და თანამედროვე იმპერიალისტური პოლიტიკის მთავარ ძარღვად. აი, როგორ ახასიათებს ნავთის როლს სახელმწიფოსათვის შეერთებული შტატების შინაგან საქმეთა ყოფილი სეკრეტარი ლენი:

«შეუმჩნევლათ ჩვენ თავი ამოვყავით ახალ საუკუნეში, რომლის საფუძველი ახალი მამოძრავებელი ძალაა. ომმა ამაში თვალი აგვიხილა ჩვენ. დამოკიდებული შევიქენით არა მარტო ფოლადისა და ელექტრონისგან, არამედ აგრეთვე ნავთისაგანაც, და იმდენათ ძლიერ დამოკიდებული, რომ ამის წარმოდგენაც კი არ შეგვეძლო. ერი, რომელსაც ნავთი არ აქვს, უძლურია ომში. ვერდენი უსათუოდ დაეცემოდა და პარიზს უუქველათ აიღებდენ, რომ ნავთის მამოძრავებელნი არ ყოფილიყვნენ. ჰაერიც და ახალი სამხედრო ოპერაციებიც ხელმისაწვდომი ხდება ნავთის მამოძრავებელთა წყალობით. ავტომობილები, აეროპლანები, წყალქვეშა ნავეები—ყველანი ამ ახალ ამოჩენილი მამოძრავებელი ენერჯის პირმშო შვილებია. ამიტომ შეიქლება ითქვას, რომ ერი, რომელსაც ნავთი არ აბაღია, ვერ დაიცავს თავის არსებობას მტრისგან, რომელსაც იგი მოეპოვება».

მართლაც, მსოფლიო ომის დროს ყველასათვის ცხადი შეიქნა ნავთის უაღრესი მნიშვნელობა სამხედრო ოპერაციების უკეთ წასაყვანათ. რკ.-გზების მოშლისა და ნახშირის გაძვირების მიზეზით დიდი ადგილი დაიკავა ავტომობილებმა. ფოშის თქმით «მოკავშირეთა გამარჯვება—ეს საბარგო ავტომობილის რკინის გზის ორთქლმავალზე გამარჯვება იყო». 1917 წელს საფრანგეთში ნავთი თითქმის გამოილია. მაშინ ამერიკამ მიაწოდა მას თავისი დიდძალი შემონახული ნავთი და, როგორც კერზონმა განაცხადა თემთა პალატაში, «მოკავშირეები მიიყვანეს გამარჯვებამდე ნავთის ტალღებმა». გადამწყვეტი ბრძოლის დროს მოკავშირეები

დასავლეთის ფრონტზე ჯარების საჩქარო გადაჯგუფებას ავტომობილების საშვალეობით აღდენდნენ.

ამ ნაირათ თანამედროვე დიდი სახელმწიფოების იმპერიალისტური პოლიტიკა, რომელიც წარმოადგენს მსოფლიოში გეგმონიისათვის ბრძოლას, მჭიდროდ გადაება ნავთის საკითხს. ჯერ კიდევ მსოფლიო ომის დაწყებამდე ინგლისმა საადმირალოს მოთხოვნით მრავალ ადგილას შეიქნა ნავთიანი ადგილები და აგრეთვე ფინანსიური მონაწილეობა მიიღო ნავთის მრეწველთა ე. წ. ინგლის-სპარსეთის საზოგადოებაში. ინგლისის განსაკუთრებული ღტოლვა მესოპოტომიისაკენ აიხსნება უმთავრესათ ნავთის ხელში ჩაგდების სურვილით.

1920 წ. 24 აპრილს ინგლისი სან-რემოში ხელშეკრულებას დებს საფრანგეთთან, რომლის ძალით მსოფლიოს ნავთის წყაროები უნდა გაიყოს ამ ორ სახელმწიფოთა შორის. ფაქტიურათ ეს ხელშეკრულება ინგლისს ნავთის მონოპოლისტის როლში აცენებს. ამ ხელშეკრულებით იგულისხმება ნავთიანი ადგილების ექსპლოატაცია რუმინიაში, გალიციაში, კავკასიაში, სახალინის კუნძულზე, უკრაინაში და სხვაგან. ამ ქამათ ინგლისის ფინანსისტებისა და მთავრობის ხელშია ბევრი ნავთის წყაროები რუმინიის, გალიციის, რუსეთის; ზნაში—მესოპოტამიის, ბირმის, კოლანდიის ინდოეთის, სახალინის, ფრანგთა ახალშენების; ამერიკაში—მექსიკის, კალიფორნიის, კანამის, ვენეცუელის, კანადის, ტეხასის, ოკლაჰამის, ტრინიდადის; აფრიკაში—ეგვიპტის, ალჟირის, ტუნისის, მაროკოს.

ამნაირათ, ინგლისი თანდათან ხდება ნავთის მონოპოლისტი. მის ხელში ამ ერთი-ორი წლის წინათ იყო 11 მილიარდი ბირილი (ზრმა) ნავთი, ანუ მთელი ნავთის 26%. მარა ამით ინგლისი არ კმაყოფილდება. მისი მისწრაფებაა კიდევ უფრო განამტკიცოს თავისი მდგომარეობა და ხელთ იგდოს ახალი ნავთიანი ადგილები და ნავთის სამრეწველოები. ამ მხრივ ჩვენთვის ყველაზე უფრო საყურადღებოა ამ ბოლო დროს ინგლისის მიერ გადადგმული ნაბიჯები კავკასიის ნავთის ხელში ჩასაგდებათ.

ახლა გამორკვეულათ შეიძლება ჩაითვალოს, რომ ლოიდ ჯორჯის მთავრობის მთელ არსებობას საბჭოთა რუსეთთან სარჩულათ ეღო





სურვილი ბაქოს ნავთის დაპატრონებისა. და მართლაც, ერთად ერთი რეალური სიმდიდრე, რომლის მოხმარა ახლომომავალში შეიძლება, მარტო ბაქოს ნავთია. ევროპის ბურჟუაზიამ და კერძოდ ინგლისისამ სხვაზე უკეთესათ იცის, რომ რუსეთის ბუნებრივი სიმდიდრის დამუშავება და გამოტანა, ეკონომიური ცხოვრების სრული განადგურებისა და ტრანსპორტის მოშლის გამო, მეტად ძნელი საქმეა: იგი მოითხოვს მრავალი წლების მუშაობას, დიდი კაპიტალისა და ტექნიკური საშუალებების დახარჯვას, რომ დაბოლოს რაიმე ნაყოფი გამოიღოს. რუსეთის უამრავი ნედლი მასალა ევროპის კაპიტალისათვის ჯერ კიდევ დიდხანს ხელმიუწვდომელი იქნება, ეს კიდევ ცოტაა. სასოფლო მეურნეობისა და მრეწველობის ხელახალ აყვავებამდე, რუსეთი დაკარგულია აგრეთვე როგორც დამზადებული საქონელის ბაზარი. ამის საუკეთესო ილიუსტრაციას წარმოადგენს ის პარადოქსალური მოვლენა, რომ გადატაკებულ და დამშვეულ რუსეთში დღეს «საქონლის გადაჭარბებამ» იჩინა თავი. რუსეთის შინაური ბაზარი, ხალხის მასიური გადატაკების გამო, არა თუ ევროპის საქონელს, არამედ იმ ორიოდვე ქარხნის ნაწარმოებსაც ვეღარ ასაღებს, რომელიც დანგრევასა და განადგურებას კიდევ გადაურჩა. ჰუვერის თქმის არ იცოს, დღეს რუსეთი ეკონომიური თვალსაზრისით ცალიერ სივრცეს წარმოადგენს. რომელი ჭკუათ მყოფელი კაპიტალისტი ჩაყრის მილიარდებს ასეთ პირობებში რუსეთის ტერიტორიაზე წარმოების ასაღორძინებლათ? რა გარანტია აქვს მას, რომ ათეული წლების მუშაობისა და კაპიტალის ხარჯვის შემდეგ, ის თავნსაც ამოიღებს და სარგებელსაც ნახავს?

ამიტომაც არის, რომ ორი წლის განმავლობაში ბოლშევიკებმა ვერც ერთი სერიოზული საწო რმოო კონცესია ვერ გასცეს და ვერც ერთი ხეირიანი მწარმოებელი ვერ მიიტყუეს თავის ქვეყანაში, მიუხედავად ფართე დაპირებებისა და პრივილეგიების მიწიუებისა. ამიტომ მთელი მათი ახალი ეკონომიური პოლიტიკა ჯერჯერობით მხოლოდ სპიკულიაციის საშინელ გაძლიერებაში გამოიხატა.

სულ სხვაა ბაქოს ნავთი. მართალია, ბოლშევიკების ხელში ბაქოს სამრეწველოებიც ძალზე დაზიანდნ, მარა ნავთის სამრეწველოების აღ-

დგენა შედარებით იოლი საქმეა. მასთან ბაქო ახლოსაა შავი ზღიდან, რომელთანაც შეერთებულია ჯერ კიდევ დაუნგრეველი რკინის გზით და ბათუმის მშვენიერი ნავთსადგურით. და აი, იმართება ვაჭრობა ინგლისის არქი-ბურჟუაზიულ მთავრობასა და საბჭოთა «სოციალისტურ» რესპუბლიკის შორის ბაქოს ნავთის გარშემო «გულითადი მეგობრობის» დასამყარებლათ. ინგლისის პოლიტიკოსთა და კომერსანტთა გამოცდილმა თვალმა ადვილათ შენიშნა საბჭოთა რუსეთის სრული უღურება და მისი გარდაუვალი საქირება მოურიგდეს, რა საფასურითაც უნდა მცოს, ევროპის ბურჟუაზიას მისგან თუგინდ ცოტადენი კრედიტების მისაღებათ, რაც ასე საქირთა ძირგამომპალ კომუნისტური რეჟიმის ღროებით «შესაპაჩინკებლათ». ეს ერთი ხანია ლოიდ ჯორჯი და მისი პოლიტიკური მეგობრები შემთხვევას არ უშვებენ საბჭოების მიმართ საგანეთო ინტერვიუებსა და საპარლამენტო გამოსვლებში ქათინაურები მიეძღვნათ. გარეშე მეთვალყურისათვის ცოტა არ იცოს ეს გაუგებარი მოვლენა იცო. სად ლოიდ ჯორჯი და სად ლენინი? სად თავისუფლების მოცვარული კულტურული ინგლისი და სად ნახევრადველურების ქვეყანა, სადაც საქმე იქამდის მივიდა, რომ ერთი ადამიანი მეორეზე ნადირობს? ამ ახირებული მოვლენის საიდუმლოება ყველასათვის აშკარა შეიქნა მხოლოდ გენუაში ნავთის გარშემო ატეხილი ისტორიიდან. გამოირკვა, რომ ბოლშევიკები კარგა ხანია, რაც კრანის მეთაურობით ბაქოს სთავაზობენ ინგლისელებს, რომ სამაგიეროთ ევროპისაგან მიიღონ იურიდიული ცნობა და კრედიტები. ინგლისი ლოიდ ჯორჯის სახით ადასტურებს ქონების კონფისკაციას რუსეთში მხოლოდ იმიტომ, რომ ეს ქონება ნავთის სახით ინგლისის კაპიტალისტებმა ჩაიგდონ ხელში.

ერთხელ კიდევ დამტკიცდა, თუ რა ზედმეტი ბარგია მორალი საერთაშორისო პოლიტიკაში! კაპიტალისტური ინგლისი, რომელიც შინ გააფთრებით ებრძვის რკინის გზებისა და მალაროების ნაციონალიზაციის პროექტს პატრონათვის სასყიდლის მიცემით, რუსეთისათვის ადასტურებს კონფისკაციას, მხოლოდ იმიტომ, რომ ეს მისთვის დღეს გადაიქცა ბაქოს ნავთის დაპატრონების საშუალებათ. მაგრამ ეს კიდევ ცოტაა. ინგლისის დღევანდელი მთავრობა,



შეიძლება ეს პირდაპირ ითქვას, გამოდის კავკასიის დამოუკიდებელ რესპუბლიკათა მოწინააღმდეგეთ და ბოლშევიკებს მათ დაპყრობადამონებაში არაპირდაპირ ხელს უწყობს. 1920 წ. დეკემბერში კრასანთან დადებული ხელშეკრულებით მან ხელი აიღო კავკასიაში თავის განსაკუთრებულ ინტერესებზე ანუ უფრო გასაგებათ რომ ვთქვათ, ჩამოეცალა გზიდან მოსკოვს, რომ უკანასკნელისათვის გაეადვილებია ამიერ-კავკასიის, კერძოთ საქართველოს დაპყრობა. უნდა ვიფიქროთ, რომ ინგლისმა კერძოთ იცოდა მოსკოვის ჯალათების მზადება საქართველოს გასასრესათ და მას ამის წინააღმდეგ არაფერი ქონდა. განიზრახა რა ბოლშევიკების ხელიდან ბაქოს მიღება, მას შეიძლება სასურველათაც მიჰქადა მათი ხელისუფლების გავრცელება საქართველოს ტერიტორიაზე და კერძოთ ბათუმის პორტზე. აქედან ცხადია ისიც, თუ რა უსირცხვილოთ სტეუიან ბოლშევიკები, როცა ქვეყანას არწმუნებენ, თითქმის საქართველო ინგლისის აგენტის როლს ასრულებდა და თითქო მის არსებობას იცავდენ დასავლეთ ვეროპის, კერძოთ ანტანტის სახელმწიფოები. პირიქით, საქართველოს დასჭირდა 3 წელიწადი ფაქტიური არსებობა და უთვალავი დაბრკოლებების გადალახვა, რომ ის ფაქტიურათ და იურიდიულათ ეცნოთ.

ამას წინათ ტროცკიმ უტიფრათ განაცხადა: საქართველოდან წითელი ჯარის გაცვანას იმიტომ მოითხოვენ, რომ აქედან მიდის გზა ბაქოს ნავთისაკენ. ნამდვილათ კი ბოლშევიკებმა საქართველო იმიტომ დაიპყრეს, რომ ინგლისის კაპიტალისტებისათვის უზრუნველ ეცათ ბაქოში მისასვლელი გზები. ასეთია რუსის კომუნისმისა და მისი ქართველი აგენტების სამარცხინო როლი! მარა ამ ქამათ ჩვენ საკითხის ამ მხარეზე არ გვინდა შევჩერდეთ.

რუსეთის აოხრებისა და ნივთიერი განადგურების შემდეგ ბოლშევიკები შემოიჭრენ ადგილობრივად და დაიპყრეს საქართველო იმისთვის, რომ ბაქოს ნავთის საშვალებით ვეროპის ბურჟუაზიას მორიგებოდენ. ლოიდ ჯორჯი ჩადგა მაჰანკლათ ბოლშევიკებსა და ინგლისელების უძლიერეს ნავთის საზოგადოების—როიალ დოიჩისა და შელის შორის. ეს საზოგადოება ემორჩილება მთავრობის კონტროლს და უკანასკნელის დახმარებით იძენს ნავთიან ადგილებს

ცველგან, მთელ დედამიწის ზურგზე. უკანასკნელი ათეული წლების განმავლობაში მან მრავალი კონცესიები შეიძინა სხვა და სხვა ქვეყნებში. განსაკუთრებული ენერჯია გამოიჩინა მან ამ მხრივ ომის შემდეგ და ეს მიეწერება უმთავრესათ ინგლისის მთავრობის პოლიტიკას, რომელიც, როგორც ზემოთ ვთქვი, მიმართულია იქითკენ, რომ ინგლისი გახდეს ნავთის წყაროების უმთავრესი პატრონი და გამკარგულელებელი. დღემდე ამ საქმეში უპირველესობა ამერიკას ეკუთვნოდა. ე. წ. შტანდარტ ოილის კომპანია ნავთის ბაზრის ნამდვილი პატრონი იყო. მსოფლიო ომის ატეხის დროს ეს საზოგადოება ამუშავებდა მთელი ნავთის 70% კონკურენტების მას არ ეშინოდა. მის ხელში იყო მილიარდები, მას მორჩილებდენ მრავალი საზოგადოებანი, კერძო კაპიტალისტები და მისი ყურმოჭრილი მონები იცვენ ამა ქვეყნის მართველნი და გვირგვინოსანნი. მარა მის გვერდით გამოიჩეკა და ფრთა შეისხა ზემოთ დასახელებულმა ინგლისელების საზოგადოებამ, რომელმაც ჯერ ჩუმათ, სხვა და სხვა სახელწოდებით, ხოლო შემდეგ აშკარათ შეუდგა ნავთიანი ადგილების შექენას. მან შეიციდა დიდძალი ნავთის წყაროები და ამ მხრივ ძლიერ გაუსწრო წინ ამერიკელების ტრესტს. 43 მილიარდი ბირილი ნავთიდან, რომელსაც შერიცავს ცველა წყაროები, სადაც ახლა ექსპლოატაცია ხდება, დღეს ამერიკას მხოლოდ 7 მილიარდი ბირილის ადგილები ანუ მთელი ნავთიანი ადგილების 16,2% უჭირავს. და ეს მაშინ, როცა ამერიკა ცველაზე მეტს ნავთის ხარჯავს და მისი ნავთიანი ადგილების დამუშავებაც დიდი ინტენსივობით სწარმოებს. ასე მაგალითად, 1920 წ. 688,4 მილიონ ბირილიდან მარტო ამერიკა 443,4 მილ. ბირილს ამუშავებდა, ანუ მთელი დამუშავებული ნავთის 64,4% მას ეკუთვნოდა. გამოანგარიშებულია, რომ თავისი ნავთი ამერიკას 18 წელიწადს ეყოფა, ხოლო სხვა ქვეყნებს, ერთად აღებულს 250 წელს. ეს გარემოება დიდ ნერვიულობას იწვევს ამერიკის მრეწველთა და ფინანსისტთა შორის და აგრეთვე მართველ წრეებშიაც. შეერთებული შტატების ძლიერი მრეწველობა და აღებ-მიცემობა ცველაზე მეტად საჭიროებს ნავთის წყაროებს. ისედაც კაპიტალისტური განვითარების მაღალ საფეხურზე მდგომი, იგი





მსოფლიო ომის დროს კიდევ უფრო გაძლიერდა. მის ხელში დაგროვდა ევროპის დიდძალი ოქრო, მისმა მრეწველობამ და სასოფლო მეურნეობამ გიგანტიური ნაბიჯი გადადგა წინ, მისი ჩამორჩენილი სავაჭრო ფლოტი ომის დროს ინგლისისას დაეწია, მისი საგარეო ვაჭრობა გაიზარდა და ამნაირათ ფაქტიურათ ეკონომიური ჰეგემონია ამერიკის ხელში გადავიდა. თავისთავათ ცხადია, რომ იგი გულგრილათ ვერ შეხვდებოდა ინგლისის განზრახვას, რომელიც კავკასიის ნავთით მდიდარ ადგილების დაპატრონებაში გამოიხატებოდა. გენუის კონფერენციამ ფარდა ახადა ამ მხრივ ინგლისის სურვილებს. გამოირკვა, რომ ლამაზი სიტყვები საყოველთაო მშვიდობიანობისა და ევროპის ეკონომიური აღდგენის შესახებ მხოლოდ შირმა იყო, რომელსაც უნდა დაეფარა ინგლისის მთავრობის მეტად პრაქტიკული და ცალმხრივი მისწრაფება ბაქოს ნავთის ხელში ჩაგდებასა. ამისთვის დასჭირდა ლოიდ ჯორჯს ბოლშევიკებთან დამეგობრება და მათი «ევროპაში გამოჩენა», ხოლო მეორე მხრივ ამიტომ არის, რომ ამერიკა კატეგორიულათ უარჯფის ბოლშევიკების ცნობას და მათთან ნორმალურ დიპლომატიურ და სავაჭრო ურთიერთობის აღდგენას. ამ პირობებში ბოლშევიკების ცნობა ამერიკისათვის ნიშნავს ინგლისის კონცესიის დადასტურებას ბაქოს ნავთზე, ე. ი. უკანასკნელის სრულ გამარჯვებას ნავთის საკითხში, მის მონოპოლისტად გახდას, რაც მოასწავებს ამერიკის ჩამოქვეითებას, მის ეკონომიურ და სამხედრო დაუძღურებას. და აი ამერიკაც სასტიკ პროტესტს აცხადებს ინგლისის ნავთის პოლიტიკის წინააღმდეგ. მიუხედავად იმისა, რომ ამერიკამ უარი განაცხადა გენუის კონფერენციაში მონაწილეობის მიღებაზე, მან ენერ-

გიულათ მოითხოვა რომ, ნავთის გარშემო ამერიკის ჩაურევლათ არავითარი შეთანხმება არ მომხდარიყო. ამ ფაქტმა გაამაგრა საფრანგეთი მის ანტი-ბოლშევიკურ პოლიტიკაში და გააკოტრა გენუის კონფერენცია. ბაქოს ნავთი იყო ნამდვილი საბაზი გენუის კონფერენციის მოწვევის და იგივე ბაქოს ნავთი შეიქნა მისი დამარცხების მიზეზი.

მარა ამ ფაქტით ბრძოლა ბაქოს ნავთისათვის არ გათავებულა. პირიქით, იგი მხოლოდ ეხლა იწყება. გენუამ მხოლოდ ფარდა ახადა იმ დარულ მეტოქეობას, რომელიც არსებობდა მსოფლიო გიგანტების შორის კავკასიის ნავთის ხელში ჩასაგდებათ. ეს გარემოება კარგათ უნდა გაითვალისწინონ ამიერ-კავკასიის ერებმა, რომლებიც ამ ძვირფასი სიმდიდრის ნამდვილი პატრონი არიან, მარა რომელთა გარეშე დღეს ხდება მთელი ეს შეხლა-შემოხლა და პოლიტიკური ქიდილი. კავკასია დაიპყრეს ბოლშევიკებმა უმთავრესათ ნავთის გამო და ინგლისის დღევანდელი პოლიტიკური ხელმძღვანელებიც კავკასიის ერთა თავისუფლებას ყიდნიან ამავე ნავთის მისაღვისებლათ. ეს დღეს ყველასათვის აშკარაა. მარა აშკარა უნდა გახდეს მთელი ქვეყნისათვის ისიც, რომ ტყუილია ცდა ბაქოს ნავთისაკენ გზის გაკადვისა იმათი მხრით, ვინც ფიქრობს ამ ნავთით სარგებლობას კავკასიის ერთა უფლებების შეღახვით.

კავკასიის ნავთით სარგებლობა მხოლოდ აქ ბინადარ ერთა თავისუფლებისა და დამოუკიდებლობის დაცვით, მათი უდაო უფლებების ცნობით!—გარეშე ამისა ბაქოს ნავთი დაკარგულია მსოფლიო მეურნეობისათვის. ეს კარგათ უნდა გაიგონ და შეიგონონ ყველა იმათ, ვინც ასე დაქინებით უტრიალებს ამ სანუკვარ სითხეს.

იგივე.

# საქართველო და ევროპა.

## გენუის კონფერენციაზე.

(საკუთარ კორესპონდენტისაგან)

I.

ჯერ კიდევ ერთი თვით ადრე სანამ გენუის კონფერენცია გაიხსნებოდა, ლონდონის დიდ კანტორა-ბანკების უბანში, სიტიში, გაიგონებდით ერთ ახალ ანდაზას: «თუ არა ბაქო, გენუა არ იქნებოდა!» რას ნიშნავს ეს?

თებერვლის რიცხვებში «შელის კომპანიის» ხელმძღვანელი სერ სამოელი შეეკრა კრასინს

პირობით, რომლის ძალით «რუსეთის ნავთის» ექსპორტი გადადის მთლიანათ ერთი სინდიკატის ხელში, რომლის თანხა შესდგება ხსენებულ კომპანიის და მოსკოვის თანასწორ კაპიტალისაგან. სამოელი და კრასინი უფრო შორსაც მიდიოდენ, ისინი ფიქრობდენ აგრეთვე მეორე სინდიკატის დაარსებას, რომელსაც უნდა დაედა ხელთ აედო ნავთის წარმოებაც, მაგრამ ეს უნდა განხორციელებულიყო, მათის განზრახვით, საქსპორტო სინდიკატის მოგვარების შემდეგ.





მკითხველმა უნდა იცოდეს, რომ «შელის» კომპანია უმთავრესი აქციონერია მეორე დიდ კომპანიის «როიოლ დატჩ», და ორივე ერთათ კი ფლობენ უმნიშვნელოვანეს ნავთიან ადგილებს დედამიწის ცოველ კუთხეში, აქვთ დიდი წარმოებანი ყველგან, საკუთარი გემები და სხვ.

კრასინი სწორეთ ამ პროექტით გაემგზავრა მოსკოვში კონფერენციის წინ, სხვა მას არაფერი ქონდა თავის პორტფელში. გამგზავრების წინ მას ქონდა ხანგრძლივი დარბაზობა ლოიდ ჯორჯთან, რომერტ ჰორნთან (ფინანსთა მინისტრია) და სხვებთან. მაშინ ჩაეცარა საძირკველი, შეიძლება გადაჭრით ითქვას, ინგლის-რუსეთის საიდუმლო შეთანხმებას. და აი ეს შეთანხმება არის სწორეთ იმ კომბინაციების სათავე, რომლის შესახებ ასეთი აურზაური ასტება ვეროპა-ამერიკის პრესსამ.

ეხლაც თვალწინ მიდვას მოხუც ფრანკ ვანდერლიპის (ამერიკის ცნობილი ფინანსისტი, ყოფილი მინისტრი) შექმუხნული სახე, რომლისაგან მოვისმინე ენერგიული ფრაზა: «ამერიკა არასოდეს არ დათანხმდება, რომ ერთმა რომელიმე სახელმწიფომ (იგულისხმე ინგლისი!) ხელთ იგდოს ნავთის მონოპოლია რუსეთში». —ის მეკითხებოდა დიდის ინტერესით, თუ რას ფიქრობენ თვით კავკასიის ხალხები! მისცემენ თუ არა ნებას მოსკოვის და ლონდონის ვაჟბატონებს ასე დაუსჯელათ ციღონ მათი ქონება? როგორია მათი სულისკვეთება? —ჩვენ ხომ მოწვეული არა ვართ გენუაში, მიუგე მე დიმილით, ჩვენ აზიაში ვართ, ხოლო ნავთი ევროპაშია!

და თუ მართალი გნებავთ, გენუის კონფერენცია ფაქტიურათ ნავთის კონფერენცია არის. კონფერენციის პლენუმზე და კომისიების სხდომებზე წარმოსთქვამენ ხოლმე პრტყელ სიტყვებს, ან იმუშავებენ სხვადასხვა პურიტანულ რეზოლიუციებს, ხოლო კულისებში მათავენ ნამდვილ საჯარო ვაჭრობას ბაქო-გროზნის სიმდიდრის შესახებ. მონაწილეობენ: რუსების მხრით კრასინი, ხოლო ინგლისის მხრით სერ სამოელი და პოლკოვნიკი ბილი. უკანასკნელი თფილისიდან პირდაპირ გენუაში ჩამოვიდა. ამ რიგათ, რასაც ეს პირები ტენიკურ მოლაპარაკებაში აღწევდენ, იმას ლოიდ ჯორჯი და ჩიჩერინი პოლიტიკურ ფორმულეში აყალიბებდენ.

და ამიტომ იცო კიდევ, რომ ინგლისელები გაიძახოდენ ცოველ ნაბიჯზე და რუსებიც დათანხმდენ, ბოლოს, რომ აწერბიჯანი და საქართველო აზიაშიაო.

თქვენ იცით ალბათ, რომ აწერბიჯანის დელეგაციას მხოლოდ კონფერენციის მიწურულში მისცეს ვიწები აქ ჩამოსასვლელათ, ხოლო მთიელებს სულ უარი უთხრეს. რა თქმა უნდა, ამის შესახებ წინდაწინ იცო შეთანხმება მიღწეული იტალიის მთავრობასთან. პრესსა იმასაც კი ამბობს, რომ იტალიას 15% გამოტანილი ნავთი ერგავო. ამ რიგათ არ სურდათ, რომ კავკასიის დელეგაციებს ხელი შეეშალათ აქ თავისი პროტესტებით და სხვა გამოსვლებით.

რას შერებოდენ ამ დროს ნარიმანოვი და ბუდუ მდივანი? ისხდენ «პოტელ იმპერიალში» და «სუქდებოდენ», როგორც ერთი იტალიელი ამბობდა. მათ არავინ არაფერს ეკითხებოდა, ერთხელაც არ უხსენებიათ მათი სახელი. «რუსეთის ნავთი, რუსეთის «პაიპ-ლაინ» (ნავთის მილი), რუსეთის ბათუმი» — ეუბნებოდა ცოველ დღე რაკოვსკი პრესის წარმომადგენლებს.


ნარიმანოვმა ბოლოს გზათ გაელისას განაცხადა ბერლინში აწერბიჯანელ სტუდენტების წინაშე: «ჩვენი დამოუკიდებლობა ურცევია, რუსეთთან მეგობრული ხელშეკრულება გვაქვს, რომლის ძალით მთელი ჩვენი ნავთი 20 წლის განმავლობაში რუსეთის განკარგულებაშია, ხოლო ჩვენ აქედან გვეძლევა 15% ცოველ წლივ». მეორე მხრით, ცხადია, პოლკოვნიკი ბილი ტყუილათ არ იცო თფილისში, მას ქონდა უეჭველათ მოლაპარაკება იქაურ ვაჟბატონებთან თებერვლის შეთანხმების უმტკივნეულოთ ჩასატარებლათ.

პრესის განგაშმა უეჭველათ აწნო ლოიდ ჯორჯს, თითქმის ერთი ფრთა მოსტყდა, მან თავი მიანება მუქარას «ანტანტას» მიმართ. მან განცხადებაც კი გააკეთა ვაჭრობის შესახებ, არაფერი ვიცოდო, ფაქტები კი ვერ უარყო. ვერ უარყო ისიც, რომ ერთი მისი ნათესავი და მეგობარი (მდიდარი სასუნ) «შელის» დიდი აქციონერია.

ამით აიხსნება ისიც, რომ კონფერენციის ცოველ წაბორძიებას ეხლა პუანკარეს შეურიგებლობას აღარ აწერენ. უკვე აშკარა ხდება ყველასათვის, სად მარხია ძალის თავი.

— მაშ ჩვენ რისთვის გვიწვევდენ, თუ სხვა





მეტი საქმე არ ქონდათ?—კითხულობენ დაბალის ხმით პატარა სახელმწიფოთა დელეგატები. მაგრამ პატარას ვინ დაეძებს, დიდებიც აბუჩათ აიგდეს.

რუსეთთან შეთანხმება არ მოხდა, კონფერენცია მოკვდა და ამის არაუკანასკნელი მიზეზი ნავთის მახინციების გამომქლავება იყო.

II.

წმ. გიორგის ძველ სასახლეში, სადაც გენულებს ოდესღაც მსოფლიოში პირველათ ბანკი დაუარსებიათ, დღეს დილით გაიხსნა უკანასკნელი სხდომა კონფერენციისა. სხდომას საზეიმო ელფერი ედო, თუმცა ცველასათვის ნათელი იყო, რომ მოსულან არა საზეიმოთ, არამედ უკანასკნელ «მშვიდობის» სათქმელათ საკუთარ ალიუზიებისათვის.

ლოიდ ჯორჯი, ინიციატორი, და ასე ვთქვათ, გმირი კონფერენციისა, თავის ნახევრათ იუმორისტულ სიტყვაში გაუბრბოდა კიდევ ერთი კვირის წინ მის მიერ ნახმარ ჰაეროვან ფრაზებს, თითქოს გენუიდან უნდა დაწყებულიყო კაცობრიობის განახლების ახალი ხანა. ის იცოზომიერი ამ ჟამად და დიდი ენერჯია დახარჯა იმისთვის, რომ გაემართლებია ამდენ პრემიერების და მინისტრების ექვსი კვირით გაცდენა. უფრო საინტერესო იყო, როცა მან მიმართა მოსკოვის დელეგაციას და ზუმრობის კილოთი უხსნიდა მას ევროპის ვაჭრის ფსიხოლოგიას. «საუბედუროთ—თქვა მან—ევროპიელს რამდენიმე ცრუმორწუნოება შერჩათ თავის მამა-პაპიდან. მაგალითათ, როცა ის გაძლევს საქონელს, ფული ჩამოკაჭუე გეუბნება, ან კიდევ, როცა მას ფულს ესესხები, ჯერ ძველი ვალი გამინადღეო, მოგიგებს. მოგწონთ თუ არა, ასეთია ჩვენი ადათი, მეტი გზა არაა, უნდა გაუწიოთ ანგარიში, ბ. ბ. კომუნისტებო, ამ ცრუმორწუნოებას.»

ჩიჩერინი მიხვდა, რა თქმა უნდა, რაზე ელაპარაკებოდნენ, და სწორეთ ამიტომ ლამის ენა მუცელში ჩაუვარდა. ის არ იყო ისე რიხიანი, როგორც პირველ სხდომაზე, მისი ხმა უფრო ჩაჭრილ შევირდის კრუსუნს წააგავდა. მიზეზი ცხადია: კრემლში შეთვისებულმა დემოგოგიურმა გამოსვლებმა ყველას თავი მოაბეზრა; მეორეს მხრით, საქირა იყო უფრო თავდაბალი კილო, რომ ლოიდ ჯორჯის «ცრუმორწუნე» ვაჭრები არ გაებრაზებინა, რომელთაგან მოე-

ლიან ბოლოს და ბოლოს ხსნას მოსკოვის ბატონები.

რატენაუმ სამაგიეროთ რამდენიმე «ქენმარტება» ამცნო დამსწრეთ. «ამაოა რენოლიუციების წერა—ამბობდა ის,—თუ ძირიანათ არ შეიცვალა ომის შემდეგ გაბატონებული ზნე-ჩვეულება. თუ გნებავთ, რომ მოვალემ გიზლოს ის, რასაც მისგან მოითხოვ, საქირა მას ყელში არ წაუჭირო და მისცე მას დრო და საშვალეება ხელის განძრვის. შეუძლებელია ეკონომიურ კრიზისის შენელება ევროპაში, ან კრედიტის აღდგენა, თუ მუდმივ მუქარის ხმა გაისმის.» ორატორს, როგორც მისახვედრია, ვერსალის ზავი და მისი საბედისწერო შედეგები ჰქონდა მხედველობაში. რატენაუმ რუსეთს შესთავაზა რამდენიმე ტკბილი სიტყვა, რაზედაც მზურვალე ტაში მიიღო ჩიჩერინისაგან. «რაპალო!»—გაისმა იქით-აქედან ხმა.

ბარტუმ უთხრა რუსებს: «მართალია, ჩემი სურათი დასწვეს პეტროგრადში, მაგრამ მე არ მინდა მწარე სიტყვები ვიხმარო. ჩვენ ვარჩევთ რუსის ხალხს მის დღევანდელ ბატონებისაგან ვწუხვართ მისი უმწეო მდგომარეობის გამო, მაგრამ ამის მიზეზი ჩვენ არავართ. ძალიან მომეწონა, თქვენი სიტყვა—მიმართავს ის რატენაუს,—მაგრამ სად იცავით ომის წინ, რატომ მაშინ არ იცავდით მშვიდობიანობის იდეებს?» ბარტუს ეტყობოდა, რომ ის კმაყოფილი იყო კონფერენციის ჩაფლავებით.

იტალიის პრემიერმა და კონფ. თავმჯდომარემ ფაქტამ ნამდვილი გამოსათხოვარი სიტყვა წარმოსთქვა: «მართალია, შენ მოკვდი—მიმართავდა ის კონფერენციას—, მაგრამ საქმენი შენნი საშვილიშვილოთ დაუვიწყარი დარჩებიან!» ის ძალიან ნასიამოვნებია, რომ ყველასგან ღიდი მადლობა დაიმსახურა მან და იტალიამ კარგი მასპინძლობისათვის. სიმართლე უნდა ითქვას, გენუის კონფერენცია საუკეთესოთ იყო მოწყობილი გარეგნულათ. ხუმრობა როდია, თითქმის ას მილიონ ლირათ დაუჯდა ის ხალხს!

\* \* \*

სხდომაზე მიღებულ იქნა, სხვათა შორის, უკანასკნელი შეთანხმებების ტექსტი, რომლის ძალით იენისის დაძლევს ჰაავაში უნდა შეიკრიბოს ორი კომისია: ერთი რუსის და მეორე არა რუს ექსპერტებისაგან შემდგარი. ამ კო-





საქართველოს  
დემოკრატიული

მისიებმა უნდა გამოიკვლიონ. ძველი ვალის, კერძო საკუთრების და კრედიტის კითხვები (რუსეთისთვის) და, თუ მოხერხდა, შეთანხმებული დასკვნები უნდა შემუშავონ მათ შესახებ.

მაგრამ ამერიკის ცივი უარი ჰააგაში მონაწილეობაზე, არ უქადის კარგ ბოლოს არც ამ კომისიების მუშაობას. ჯერ არც ის იციან, ყველანი გაგზავნიან თუ არა ჰააგაში თავიანთ ექსპერტებს. განსაკუთრებით ფრანგებზე და ბელგიელებზე შეაქვთ იქვი ამ მხრივ. მათ მონაწილეობაც კი არ მიუღიათ საჰააგო შეთანხმების გამომუშავებაში.

ამ გარემოებამ გავლენა იქონია ეგრ. წოდ. «ნონაგრესიონის პაკტის» (ომისგან თავდაქერის შეთანხმება) შინაარსზედაც. ლოიდ ჯორჯმა ვერ შესძლო ფრანგების დაუსწრებლათ მისგან განზრახულ მშვიდობიანობის გარანტიების შემუშავება და გაყვანა. დღევანდები შეთანხმდენ მხოლოდ იმაში, რომ ოთხი თვის განმავლობაში, დღიდან ექსპერტების მუშაობის დამთავრებისა, თავი შეიკავონ აგრესიოზობისგან მეზობლების წინააღმდეგ. რუსებმა პოითხოვეს, რომ ეს შეთანხმება გავრცელდებულყო აგრეთვე რუსეთის «მოკავშირე» ქვეყნებზე. იაპონიის დელეგატი იში შეედავა მათ და საბუთად ის მოიყვანა, რომ ეს ქვეყნები (შორეულ აღმოსავლეთის რესპუბლიკა, საქარაველო და სხ.) მოწვეული არ არიან, მაგრამ ლოიდ ჯორჯი რუსებს მიემხრო, და შანცერის განმარტების შემდეგ, რომ ეს სრულიადაც არ გულისხმობს იმ ქვეყნების დღევანდელ მთავრობათა ცნობას, რუსების წინადადება მიღებულ იქნა.

კონფერენციამ უკამათოდ დაადასტურა სამანდატო კომისიის მოხსენება. უკანასკნელში ნათქვამია, რომ რუსების მანდატებში ჩამატებულია, რომ მათ, რუსებს, ენდობათ «მოკავშირე» სახელმწიფოთა წარმომადგენლობა. მაგრამ, ვინაიდან ეს სახელმწიფოები მოწვეული არ იყვენ გენუაში, ეს «მონდობილება», რა თქმა უნდა, უსაგნოდ დარჩა.

საჭიროა აღვნიშნო, რომ ბუდუ მდივანს, ნარცმანოვს და ბეგზადიანს თვითონ არ წარუდგენიათ კონფერენციისათვის მანდატები. ასე ესმით მათ ქვეყნის დემოუკიდებლობა: ანდობენ სხვა სახელმწიფოს მის წარმომადგენლობას და თვითონ კი მოწმედ ესწრებიან. როცა გაიგო

ბუდუმ, რომ სამანდატო კომისიაში მოსკოვის ოინები არ გავიდა (16 მაისს), მაშინვე აიკრა ბარგი და გაიპარა ბერლინში.

\* \* \*

გენუის კონფერენციის მთავარ ღერძს რუსეთის საკითხი შეადგენდა. ეს იცოდა ჩიჩერინმა და ამიტომ, ერთის მხით, ის იტალიის მეფეს ელაქუცებოდა: «ნამდვილი ხალხის მამა ყოფილიხართო», ხოლო, მეორეს მხრით, მსოფლიო პროლეტარიატს მოუწოდებდა: სამკედრო-სასიცოცხლო ბრძოლა გამოაცხადეთ კაპიტალიზმის წინააღმდეგო?» არ გასჭრა არც ერთმა და არც მეორე ხერხმა და ხელცარიელი უბრუნდებოდა დამშეულ რუსეთს. მოსკოვის «იწვესტიების» ერთი კორესპოდენტი ცვიროდა ყველას გასაგონათ პრესის დარბაზში: «როგორ? ფული არ მოგვცეს და პატიოსნებასაც გვართმევდენ!!!» ხოლო ფული რომ მიეცათ, ცხადია პატიოსნებასაც გაყიდდენ და პრინციპებსაც ზედ დაურთავდენ.

სწორეთ ამიტომ წამოიძახა ტურატიმ ერთ დღეს ჩიჩერინის კაბინეტიდან გამოსვლისას: «მეგონა მართლა კომუნისტს ვიხილავდი, მის მაგიერ კი ნამდვილი მეფის დიპლომატი დამხვდაო».

ერთი ფრანგის ანონიმი სწერდა გაზეთში: «რადას ჩასცივებიან ეგ კომუნისტები ჩვენს დიდ რევოლიუციას? განა ჩვენი მამა-პაპანი მაგათსავით იდგენ შარა-გზაზე ხელ-გაშვერილი და მათხვრობდენ? მერე რომ ყოყჩობენ კიდევ!»

ანჩინი.

## ლია წერელი

„ჭუმანიტეს“ რედაქტორს მოქ. კაშენს\*)

თქვენი გაზეთის 6 მაისის ნომერში მოთავსებულია ინტერვიუ თფილისის ბოლშევიკურ მთავრობის თავმჯდომარის ბ. მდივანის, რომელიც ასეთი ხელისხელ საგოგმანებელი განცხადებით თავდება:

«მე ვაცხადებ კატეგორიულათ, რომ იმ დღიდან, რაც საქართველოს მშრომელმა კლასმა ნება-სურვილით დაამცარა საბჭოთა რეჟიმი საქართველოში, არც გაფიცვას, და არც მითუმეტეს, რაიმე აჯანყებას ადგილი არ ქონია.» მე არ მინდა აქ პოლემიკა გავმართო თქვენ-

\*) მოთავსებულია მრავალ სოციალისტურ გაზეთებში.





თან, ან დაფარო თქვენი გაზეთის პოლიტიკური და მორალური პოზიცია საქართველოს საკითხში. თუ თქვენ, თქვენს მოვალეობად მიგაჩნიათ გამართლოთ უფრო ძლიერი დიდი მეზობლის თავდასხმა პატარა ქვეყანაზე, თუ თქვენ იცავთ საქართველოს საოკუპაციო რეჟიმს, სამხედრო რეპრესიებს, უკანონო დატუსაღებას, ეს თქვენი პოლიტიკური რწმენის და შეგნების საქმეა. მე არ მინდა მით უმეტეს შევეხო თქვენს იმ ცალბ დებულებებს, რომელიც გაფანტულია თქვენ წერილებში საქართველოს შესახებ. გაზეთის რედაქტორს ვერ მოვთხოვთ, რასაკვირველია, რომ დაწერილებითი და უტყუარი ცნობები ქონდეს ყოველ საკითხის შესახებ. შეიძლება ნაკლებ სინდისიერმა ინფორმატორმა ბოროტად ისარგებლოს მისი ნდობით და შეცდომაში შეიყვანოს იგი.

მე მინდა ვიფიქრო, რომ სწორეთ ასეთი იყო თქვენი მდგომარეობა თქვენი კამპანიის დასაწყისში საქართველოს წინააღმდეგ: მთელი წლის განმავლობაში თქვენ გარწმუნებდნენ, თითქმის რუსის ჯარები არ შეჭრილან საქართველოში: და თქვენ ამასვე იმეორებთ დღესაც, როცა თქვენმა ინფორმატორებმა—მე ვგულისხმობ მოსკოვის მთავრობას—რადეკის პირით უკვე აღიარა ბერლინში, რომ მათი ჯარი მართლაც შეესია და დაიპყრო საქართველო... მოსალოდნელი იყო რომ ეს გაკვეთილი შემდეგში მაინც გამოიწვევდა თქვენს უნდობლობას იმ პირთა ცნობების მიმართ, რომელთაც ასე დაგატყუეს საქართველოზე თავდასხმის საკითხში. მაგრამ თქვენ მაინც ხალას ჭეშმარიტებათ ასაღებთ ყოველივეს, რასაც ისინი გაწვდიან. საქმე ეხება არა სინამდვილის ასე თუ ისე სუბიექტიურ დაფასებას, არა თეორიულ საკითხს, არამედ ფაქტიურ სისწორეს.

საქართველოს დღევანდელი ხელისუფალნი არიან თუ არა ცნობილი ხალხისაგან? დღევანდელი მუშათა საბჭოები მუშებისგან არიან არჩეული, თუ საოკუპაციო მთავრობის დაყენებული?

გამოსთქვებს თუ არა საქართველოს მუშებმა საყოველთაო გაფიცვით, პეტიციებით, დემონსტრაციებით თავისი სიძულვილი ბოლშევიკური მართველობისადმი? და წითელი ჯარი, რომელსაც უპყრია საქართველო—ვის იცავს—ხალხს ანტიანტისაგან, თუ ბოლშევიკურ მთავ-

რობას ხალხის რისხვისაგან? სვანეთი და სხვა მთის რაიონები საქართველოში აშკარათ აჯანყებული არიან, თუ არა ოკუპანტების წინააღმდეგ?

თქვენ იცით ჩვენი პასუხი ამ კითხვებზე, რომელიც სრულიად ეწინააღმდეგება თქვენი ინფორმატორის ცნობებს. ვინ არის მართალი და ვინ მტყუანი?

მთელი წელიწადია ჩვენ მოვითხოვთ ევროპის სოციალისტური და კომუნისტური პარტიებისაგან, საქართველოში შერეული კომისიის გაგზავნას, რომელსაც შეეძლება ადგილობრივ შეიწავლოს მდგომარეობა და გაიგოს ხალხის ნება-სურვილი.

თქვენ გწამთ იმის სიმართლეს, რასაც თქვენი ინფორმატორები გაწერინებენ საქართველოს შესახებ, მაშინ თქვენ უნდა მიემხროთ ამ ჩვენს წინადადებას. და მე მინდა ვიფიქრო, რომ თქვენ ასეც მოიქცევით.

პასუხის მოლოდინე ნ. ჟორდანიას.

### საფრანგეთის პოლიტიკა გენუაში და საქართველო.

2 ივნისს, საფრანგეთის პარლამენტში მრავალ ინტერპელაციების საპასუხოდ საგარეო პოლიტიკის შესახებ მთავრობის თავმჯდომარემ რ. პუანკარემ წარმოსთქვა დიდი სიტყვა, რომელშიაც გააცნო პარლამენტს ის წერილობითი ინსტრუქციები, რომელიც კონფერენციის გახსნის წინ საფრანგეთის დელეგატს, ბარტუსს, გენუაში სახელმძღვანელოთ გადასცა. მოგვეყვას ამ ინსტრუქციის ის ნაწილი, რომელიც საქართველოს და აზერბეიჯანს ეხება:

«ლონდონში ექსპერტების მოლაპარაკების დროს კავკასიის ნავთის საკითხი არ განუხილავთ. თუ ეს საკითხი იქნა წამოყენებული კონფერენციაზე, მაშინ დაიბადება პრობლემა გენუაში კავკასიის სახელმწიფოთა დაშვების შესახებ. როცა რუსეთის მთავრობამ პრეტენზია განაცხადა თავისი მფარველობა-ხელმძღვანელობის ქვეშ თან ყოლოდა საქართველოში და აზერბეიჯანში ფაქტიურად არსებულ მთავრობათა დელეგატები, მოკავშირეები ამის წინააღმდეგ წავიდნენ იმ მოსაზრებით, რომ კანის რევოლუციის თანახმად გენუის კონფერენციაზე მოწვეული იყო მხოლოდ ის სახელმწი-



ფოები, რომლებიც კავკასიონის ჩრდილოეთით მდებარეობენ. გარეშე ამისა, საფრანგეთის მთავრობა, რომელმაც სხვა მოკავშირე მთავრობებთან ერთად იცნო საქართველოს პირვანდელი მთავრობა «დე იურე», ვერ დაუშვებს, რომ ამ გვარი საკითხის გარჩევას დაესწროს ფაქტიურად წარმომადგენელი დღეს იქ დაეცნებულ მართველობის, რომელმაც საქართველოდან გააძევა კანონიერი მთავრობა (აპლოდისმენტები ცენტრში, მარჯვნივ და მარცხნივ).

უნდა ითქვას, რომ აზერბეიჯანის მდგომარეობა განსხვავდება საქართველოს მდგომარეობისაგან. პირველი მოკავშირეებმა იცნეს მხოლოდ ფაქტიურად.

ყოველ შემთხვევაში ილიუზია იქნებოდა გვეფიქრა, რომ რუსული ნავთის საკითხის მოწესრიგება გენუაში შესაძლებელი იყო შეერთებულ შტატების მიერ მონაწილეობის მიუღებლათ...  
 ❖

**ბრაუნტალის მისიის გარძქო.**

**რედაქციას სწერენ გერმანიიდან:**

«ბრაუნტალის წერილებს საქართველოს შესახებ, რომლის ნაწილი ამავე ნომერში იბეჭდება. მზურვალედ გამოეხმაურა გერმანიის და ავსტრიის საზოგადოებრივი აზრი. მოსკოვის კომუნისტების ბერლინელი გერმანული ორგანო «როტე ფანე» ცოფიან ძალღივით დორბლებს ჰყრის. ავსტრიის, გერმანიის და ჩეხოსლოვაკიის მრავალ სოციალისტურ გაზეთებში უკვე გადაბეჭდეს ეს წერილები, ზოგან სრულად, ზოგან შემოკლებით. ბრაუნტალის მოწოდებამ საქართველოსათვის ქინა-ქინის შეგროვების შესახებ დიდი შთაბეჭდილება მოახდინა; ავსტრიაში უკვე დაიწყო შემოწირულებთა შეკრება, როგორც ფულით, ისე ქინა-ქინით. ავსტრიის ერთ საუკეთესო თანამედროვე მწერალთაგანი კარლ კრაუსი წაიკითხავს ლექციებს, რომლის შემოსავალი საქართველოსათვის ქინა-ქინის შეძენას მოხმარდება, გერმანიის ერთ-ერთი ძლიერ გავრცელებულ ჟურნალის «დერ ტაგებუხის» გამომცემელმა სტეფან გროსმანმა, იკისრა გერმანიის რამდენიმე დიდ ფირმებისაგან ძლიერ იაფ ფასებში საქართველოსათვის ქინა-ქინის შექმნა. ამავე დროს გროსმანი ათავსებს თავის ჟურნალში ბრაუნტალის წერილების მიმოხილვას.

ავსტრიის მუშებზე, რომლებიც აქამდე ნაკლებათ იცნობდნენ საქართველოს, ბრაუნტალის წერილებმა უდიდესი შთაბეჭდილება მოახდინეს. ავტორი წერილებს არ დასჯერდა; ის კითხულობს მოხსენებებს საქართველოს შესახებ მუშათა მრავალ კრებებზე. ასე მაგ. 30 მაისს მან გააკეთა მოხსენება საქართველოს შესახებ ავსტრიის უდიდეს სამრეწველო ცენტრში ვენის ნოიშტადტში, მუშათა საბჭოს (რომელიც სხვა და სხვა სამრეწველო დაწესებულებების წარმომადგენლებისაგან შეესდგება) დელეგატების მრავალრიცხოვან კრებაზე. მოხსენებამ, რომელიც 3 საათი გაგრძელდა, ისეთი ძლიერი შთაბეჭდილება მოახდინა მუშებზე, რომ კრების დასასრულს, სოც.-დემოკრატი მუშები (რომლებიც დიდ უმრავლესობას შეადგენენ) ეცნო კომუნისტებს და კრებიდან გარეკეს. ამას მოჰყვა სკანდალი. კომუნისტი-დეპუტატები გავიდნენ საბჭოდან და განაცხადეს, რომ არჩევნებში მონაწილეობას არ მიიღებენ...  
 ❖


**საქართველოს საკითხი სოციალისტურ ინტერნაციონალის წინაშე.**

19, 20 მაისს კელნში შესდგა მე-2 ინტერნაციონალის აღმასრულებელი კომიტეტის და ინტერნაციონალების მონაწილე პარტიათა წარმომადგენლების შეერთებული კრება. წარმომადგენელი იყო 11 ქვეყანა (ინგლისი, ბელგია, გერმანია, საფრანგეთი, შვეიცია, ნორვეგია, პოლანდია, საქართველო, ჩეხოსლოვაკია, ჰუნგარი და სომხეთი.)

განსახილველი იყო ტაქტიკის საკითხი ბოლშევიკებთან მოლაპარაკების დროს «ერთიანი ფრონტის» შესაქნელად. დელეგატების მიერ წარმოდგენილმა მოხსენებამ ნათლათ გამოარკვია სურათი იმ დამრღვევლ და დამღუპველ მუაობისა, რომელსაც აწარმოებენ ყველა ქვეყნის მუშებში ბოლშევიკების აგენტები.

კერძოდ, ირაკლი წერეთელმა დაასურათა ბოლშევიკების მოღვაწეობა საქართველოში ინტერნაციონალების ბერლინის კონფერენციის შემდეგ—როგორ გააძლიერეს რეპრესიები საქართველოში, საეკნეკუციო რაზმების «საქმენი-საგმირონი», 20 აპრილის მანიფესტაციის ისტორია. წერეთლის მოხსენებამ ყველა დელე-





გატებში ერთსულოვანი აღშფოთება გამოიწვია. დასასრულ ი. წერეთელმა წინადადება მისცა კრებას, რომ ბოლშევიკებთან მოლაპარაკების დროს საერთო კონგრესის მოწვევისათვის «ერთიანი ფრონტის» შესაქნელად, მე-2 ინტერნაციონალის წარმომადგენლებმა კატეგორიულად მოითხოვეს შერეული კომისიის შედგენა საქართველოს საკითხის შესასწავლად და აღნიშნულ კომისიას უნდა მიეცეს უფლება, წავიდეს, ან გაგზავნოს თავისი წარმომადგენლები საქართველოში ყველა სადაო საკითხების ადგილობრივ გამოსარკვევათ.

ი. წერეთლის წინადადება ერთმათ იქნა მიღებული დადადგენილ იქმნა, ბოლშევიკებთან შეხვედრისას «ცხრათა კომისიაში,» მე-2 ინტერნაციონალის წარმომადგენელს განეცხადებია, რომ კომუნისტების პოლიტიკა რუსეთში, საქართველოში და დასავლეთ ევროპის ქვეყნებში, ძირიანად ეწინააღმდეგება პროლეტარიატის ინტერესებს და დასავლეთის სოციალისტებს ყოველივე საშუალებას უსპობს მათთან დაახლოვებისათვის. თუ კომუნისტებს სურთ «ერთიანი ფრონტის» შექმნა სოციალისტებთან, მათ უნდა, უპირველეს ყოვლისა, დაამტკიცონ რომ წრფელი სურვილი აქვთ ერთობის. ერთ-ერთ სურვილის დამამტკიცებელ პასუხათ უნდა იყოს საქართველოს განთავისუფლება და ამიტომ მე-2 ინტერნაციონალის წარმომადგენელი მოითხოვს შერეული კომისიის დაუყოვნებლივ შედგენას საქართველოს საკითხის შესასწავლათ იმ პირობით, რომ ამ კომისიას უნდა მიეცეს საქართველოში შესვლის უფლება.

„ცხრათა კომისიის“ დაშლა.

23 მაისს, ბერლინში შესდგა «ცხრათა კომისიის» სხდომა, რომელიც შედგენილ იქმნა სამი ინტერნაციონალის აპრილის კონფერენციის დადგენილების თანახმად, საერთაშორისო სოციალისტური კონგრესის მოსაწვევით ნიადგის შესამზადებლათ.

მაკდონალდმა ვრცელი მოხსენება გააკეთა მე-2 ინტერნაციონალის შეხვედრების შესახებ ბოლშევიკებთან «ერთიანი ფრონტის» შექმნის შესძლებლობის შესახებ. მისი სიტყვა გადაიქცა მრისხანე საბრალდებლო ოქმით მოსკოვის მთავრობის წინააღმდეგ. მან დახატა მეტყველი სურათი იმისა, თუ რას აკეთებდნ ბოლშევი-

კები სხვა და სხვა ქვეყნებში აპრილის კონფერენციის შემდეგ, სადაც ისინი ლაპარაკობდნ თავიანთ წადილზე ერთობის დამკარებისათვის საერთაშორისო მუშათა მოძრაობაში. მაკდონალდი ვრცლად შეეხო ბოლშევიკების უკანასკნელი თვეების მოქმედებას საქართველოში—სოციალისტების დევნას, დამსჯელი რაზმების გაგზავნას სოფლებში, მუშათა მანიფესტაციების აკრძალვას და სხვა.

დასასრულ, მე-2 ინტერნაციონალის სახელით მაკდონალდმა მოითხოვა ბოლშევიკებისაგან დაუყოვნებლივი შეწყვეტა ევროპაში დეზორგანიზატორული მუშაობისა, რუსეთში წითელი ტერორის მოსპობა და შედგენა შერეული კომისიისა საქართველოს საკითხის შესასწავლად იმ პირობით, რომ ამ კომისიას მიეცემოდა უფლება საქართველოში შესვლის მდგომარეობის ადგილობრივ გამოსარკვევად.

მაკდონალდის საპასუხობთ, გამოვიდა რადევი უკმეხი განცხადებით, რომ ბოლშევიკები არავითარ პირობებს და მოთხოვნილებებს მე-2 ინტერნაციონალისაგან არ მიიღებენ და მითხოვენ საერთო კონგრესის მოწვევას ყოველივე წინასწარი პირობების გარეშე.

მე-2 ინტერნაციონალის წარმომადგენელმა კიდევ გაიწეორა, რომ მის მიერ წარმოდგენილ მოთხოვნილებას აქვს ულტიმატუმის ხასიათი და ვიდრე ბოლშევიკები ამ პირობებს არ შეასრულებენ არავითარ კონგრესზე, ან დასავლეთის სოციალისტების საერთო გამოსვლებზე ბოლშევიკებთან ლაპარაკი არ შეიძლება.

მაშინ, რადეკმა განაცხადა, რომ თანახმად ინსტრუქციისა, რომელიც მათ აქვთ, ბოლშევიკები გამოდიან «ცხრათა კომისიიდან.»

კომისია გამოცხადებულ იქნა დაშლილათ. საერთო კონგრესის მოწვევის საკითხი გადადებულ იქნა იმ დრომდე, ვიდრე ბოლშევიკები თავის პოლიტიკას შეცვლიან.

ამსტერდამის პროფესიონ. კავშირთა ინტერნაციონალის კონგრესი.

20 აპრილს რომში გაიხნა პროფ. კავშირთა საერთაშორისო ფედერაციის კრილობა. მისი მოწვევა ჯერ კიდევ გასულ წელს იყო განხრახული და ეხლა უფრო საყურადღებო შეიქნა იმის გამო, რომ იგი შეიკრიბა გენუის კონფე-





რენციის დროს. თუ გენუის კონფერენცია ვერ გაშორდა ვიწრო ნაციონალურ ეგოიზმსა და დიპლომატიების თვალთმაქცეობას ევროპის აღდგენის საკითხში, სამაგიეროდ მუშათა საერთაშორისო კონგრესმა ინტერნაციონალურ ფარგლებში დასვა ევროპის აღდგენის საკითხი და სასტიკათ გაილაშქრა ყოველ გვარ სამხედრო ავანტიურის წინააღმდეგ.

ყრილობაში მონაწილეობა მიიღო შემდეგი ქვეყნების პროფ. კავშირების ცენტრების წარმომადგენლებმა: გერმანიის, ინგლისის, საფრანგეთის, იტალიის, ისპანიის, ავსტრიის, უნგრეთის, ჩეხო-სლოვაკიის, ბოლგარიის, შვეიცარიის, შვეციის, ნორვეგიის, დანიის, პოლანდიის, ბელგიის, ლიუქსემბურგის, ლატვიის და პოლშის, სულ 24 მილიონი პროფ. კავშირებში შეკავშირებული მუშების. გარდა ამისა, ყრილობაში მონაწილეობას იღებდნენ 23 საერთაშორისო პროფ. კავშირების სეკრეტარიატების წარმომადგენელნი.

კონგრესი გახსნა იტალიელმა დარაგონამ, რომელმაც მოკლეთ აღნიშნა ყველა ქვეყნის მუშების საერთაშორისო კავშირისადმი მისწრაფება და მისი მნიშვნელობა. მის შემდეგ სიტყვა აიღო ამსტერდამის ბიუროს თავმჯდომარემ ინგლისელმა ტომასმა და გააკეთა მოხსენება ბიუროს მუშაობის შესახებ. მან აღნიშნა, რომ მუშათა კლასის მდგომარეობა ცუდია, როგორც გამარჯვებულ, ისე დანარცხებულ სახელმწიფოებში. ერთ ქვეყნებში მუშები ნახევრათ შიმშილობდნენ, ხოლო მეორეში—საშინელი უმუშევრობაა. უმუშევართა საერთო რიცხვი 10 მილიონამდის აღწევს. ამავე დროს კი მილიტარიზმი აუარებელ სიმდიდრეს ნთქავს და საფრთხეს უმზადებს საერთაშორისო მშვიდობიანობას. მიუხედავად ომის გათავებისა და დემობილიზაციისა, ამ ქამათ თოფქვეშ 1 მილიონი კაცი მეტია, ვინემ მსოფლიო ომამდის იყო. ამიტომ ინტერნაციონალიზმი უნდა შეიქნეს მუშათა კლასის მეტროლ ლოზუნგათ. ამსტერდამის ბიუროს მთელი მოღვაწეობაც ამ იდეით იყო გამსუვალული. მან პირველმა აღიმაღლა თავისი ხმა რუსეთის ბლოკადის და უნგრეთის ხორტის რეჟიმის წინააღმდეგ. და მან პირველმა შეკრიბა რუსეთის დამშუულთათვის მილიონნახევარი მანეთის (ოქრო) დახმარება და სხვა.

ევროპის აღდგენის საკითხზე მოხსენება გა-

### სოლივიზმისკრუს.

სადა ხარ სადა? ნუ თუ მართლა არ მეღირსება: კიდევ შევხედო შენსა თვალებს იმდენ ცეცხლიანს? ნუ თუ დანთქა შენი ძალა და შენი ნება, უდიდეს მსხვერპლად ზედ დააკვიდი გზასა ეკლიანს? სადა ხარ სადა? უღვთოთ მკვდარმა ამხანაგებმა, ნუ თუ უშენოთ ველარ გასძლეს, შენც მათთან წადი? შენმა სამშობლომ მტრის უღელქვეშ ცეცხლ მონადებმა, სადა იპოვოს სხვა მედროშე შენსებრ ნაცადი? კარგი იცავი ჩემო კარგო, სულით მაღალი, არც სიღვარულში, არც ბრძოლაში არ გცავდა ცალი, წამების ჯვარი სიკვდილამდე ამაყად ზიდე, და აწ მფარველად დაგვიტოვე შენი სიდიდე. ნუ გეშინია, საქართველო აღდგება მალე,— შენ ხომ სიცოცხლე მას შესწირე, მას ანაცვალე,— მედგრად იბრძოლებს საფლავიდან შენი სახელი, მის ხსენებაზე წინ, წინ წავა ყველა ქართველი. ნუ გეშინია, მიმედები შენგან ნაწარდი, აყვავილდება მალე როგორც მისში გარდი, სიმამრე თავის ბოროტების დსცემს შენს მკვლევებს, და გამარჯვება ცივ საფლავში გაგითბობს ცივ ძვლებს. რა კარგი იყო შენი სახე, სული ლამაზი, რა ბევრს ამბობდა შენი შუბლის ყოველი ხაზი, რა კარგი იყო სიტბო, ცეცხლი შენში მგზნებარე, რა რიგ გშვენოდა ყველა, ყველა ტკბილი თუ მწარე. რა კარგი იყო შენი სიტყვა, სადა, მაგარი, რა წმინდა იყო შენი აღთქმა და შენი მსჯავარი, რა კარგი იყო ტკივილებზე შენი მალამო. შენი ნუგეში ისე ტკბილი, ისე საამო... რა კარგი იყო შენს თვლისში როს ვლიდი ნელა, და აღვიძებდი ხალხის სინდისს ვით ბერი გელა, რა კარგი იყავ წმინდა ფიქრით მუდამ დღე, ღამე, ცოცხალი წიგნი, გრძელი ტანჯვის ძველი მოწამე... კარგი იცავი ჩემო კარგო, სულით მაღალი, არც სიღვარულში, არც ბრძოლაში არ გცავდა ცალი, წამების ჯვარი სიკვდილამდე ამაყად ზიდე, და აწ მფარველად დაგვიტოვე შენი სიდიდე...

რ. ლეჩხუმელი.

5 აპრილი 1922 წ. ბერლინი.

აკეთა საფრანგეთის დღევგატმა ყუომ. მისი მოხსენების შემდეგ კონგრესმა მიიღო რეზოლიუცია, რომელიც მოითხოვს—«რეპერაციების» შესახებ დადგენილებათა გადაშინჯვას, საერთაშორისო კრედიტის შემოღებას, მუშების ინტერესების დაცვას და სალოელთათა განიარაღებას.

რეპეტიის წინააღმდეგ ბრძოლის შესახებ მოხსენება გააკეთა ბელგიელმა მერტენმა. მან აღნიშნა ერთი მხრით კაპიტალის თავდასხმითი პოლიტიკა შრომის წინააღმდეგ, და მეორეს





მხრით—გაქლიერება პროფესიონალურ კავშირებში მისწრაფების რათა უფრო ფართო იქნეს დასმული სოციალურ-პოლიტიკური პრობლემები.

პოლანდიელმა ფიშმენმა გააკეთა მოხსენება მილიტარიზმისა და მოსალოდნელი ომების შესახებ. მოხსენებამ დიდი კამათი და ინტერესი გამოიწვია. მომხსენებელის აზრით, მუშათა კლასმა მომავალში უფრო აქტიური პოლიტიკა უნდა აწარმოვოს მილიტარიზმის წინააღმდეგ. მელითონეთა კავშირის თავმ. შვეიცარიელმა ილგმა მოითხოვა ისეთი ორგანიზაციის შექმნა, რომელიც, თუ ომი მიხდება, ხელთ აიღებს ომის წინააღმდეგ ბრძოლის საქმეს. ამის შემდეგ კრებამ მიიღო შემდეგი რეზოლიუცია: «კონგრესი აცხადებს, რომ შეკავშირებული მუშები ყოველი ღონით, უნდა შეებრძოლონ მომავალში ომს და შეუშალონ ხელი მის დაწყებას, თუ გინდ საყოველთაო გაფიცვაც კი დარჩეს ამისთვის საჭირო. ამის გამო ეველა პროფესიონალური კავშირები, რომლებიც ამსტერდამის ინტერნაციონალში შედიან, ვალდებული არიან წერილობით და ზეპირათ აწარმოონ აგიტაცია-პროპაგანდა იმპერიალიზმის წინააღმდეგ და ამზადონ მუშათა კლასი ომის საწინააღმდეგოთ გამოსვლებისთვის. ამავ დროს კონგრესი მზარს უჭერს საერთაშორისო სეკრეტარიატებს—გაუწიონ ყველგან კანტროლი იარაღის დამზადებას და ეცადონ მის მინიჭებამდის შემცირებას.

შემდეგ კონგრესმა დაამტკიცა გასულ წელს ამსტერდამში არჩეული დროებითი კომიტეტი, დაუმატა მას თითო წევრი საერსაშორისო სეკრეტარიატებიდან და დაავალა ზემო აღნიშნული რეზოლიუციის ცხოვრებაში გატარება.

### ზირველი მანობა უცხოეთში.

გერმანიაში პირველ მაისის დღესასწაულმა ფართო ხასიათი მიიღო. ადგილობრივ პარლამენტებში სოციალისტებმა შეიტანეს წინადადება გამოეცხადებიათ I მაისი სახელმწიფო უქმეთ, მაგრამ ბუჟუაზიულმა უმრავლესობამ იგი უარყო. მიუხედავად ამისა მაისობა ყველგან ჩატარდა და გაფიცვაც მას ბრძოლის ელფერს აძლევდა. გერმანიის უმეტეს ქალაქებში მიტინგები და კრებები ორივე სოციალისტურმა პარტიამ ერთთა გამართა: ყველგან ემჩნეოდა, რომ გაერთიანების იდეა პროლეტარიატში ფართოთ იკიდებს ფეხს. ბერლინში, მიუხედავად ცუდი ამინდისა, დემონსტრაციაში 600 ათას კაცამდე მიიღო მონაწილეობა.

ფრანკფურტში დემონსტრაციაში მონაწილეობას იღებდა 100 ათასი კაცი. აქსამივე პარტია (მეუმრავლესები, დამოუკიდებელნი და კომუნისტები) და პროფენიონალური კავშირები ერთთა გამოვიდნ. ქალაქის მუშებმა, წინააღმდეგ ქალაქის საბჭოს დადგენილებისა, იღვესასწაულეს ეს დღე და არ იმუშავეს.

გამბურგში კომუნისტებმა ცალკე მოაწყვეს დემონსტრაცია, რომელმაც ძლიერ მცირე ხალხი შემოიკრიბა თავის გარშემო და საბრალო ხასიათი ქონდა შედარებით იმასთან, რომელიც პროფ. კავშირებმა და სოციალისტურმა პარტიებმა გამართეს. ამ უკანასკნელში 250 ათასი კაცი იღებდა მონაწილეობას.

სოციალისტურ საქსონიაში პირველმა მაისობამ გასაკუთრებითი სადღესასწაულო ხასიათი მიიღო. განხეთქილების შემდეგ, ამ დღეს პირველათ ერთთა გამოვიდნ ყველა სოციალისტური ორგანიზაციები და პროფ. კავშირები.

ლონდონში. მუშათა პარტიამ კომუნისტებთან ერთთა გამართა დიდი მიტინგი და სხვათა შორის გამოიტანა ომის საწინააღმდეგო რეზოლიუცია.

საფრანგეთში. I მაისობას არ ქონია ფართო ხასიათი და არც გამოუწვევია აღფრთოვანება. პარიზში და სხვა სამრეწველო ქალაქებში გაფიცვები ამ დღეს ნახევრათ ჩატარდა, თვით პარიზში მოხდა რამდენიმე კრება.

ავსტრიაში. ვენასა და სხვა ქალაქებში სოც. დემოკრატები და კომუნისტები ცალ-ცაკე გამოვიდნ. ვენაში სოც.-დემოკრატულმა მიტინგმა და დემონსტრაციამ, რომელზედაც ილაპარაკეს ადლერმა, დეიჩმა და სხვებმა, მრავალი ხალხი შემოიკრიბა თავის გარშემო: წინააღმდეგ სურათს წარმოადგენდა კომუნისტების დემონსტრაცია.

იტალიაში. თითქმის ყველგან შეწყდა რკინიგზის მოძრაობა. მილანში სოციალისტებმა და კომუნისტებმა ერთთა გამართეს დემონსტრაცია. ბევრ ადგილას ფაშისტებსა და დემონსტრატებს შორის მოხდა შეტაკება.

იტალიაში. თითქმის ყველგან შეწყდა რკინიგზის მოძრაობა. მილანში სოციალისტებმა და კომუნისტებმა ერთთა გამართეს დემონსტრაცია. ბევრ ადგილას ფაშისტებსა და დემონსტრატებს შორის მოხდა შეტაკება.



მარტის უკანანელ რიცევებში საქართველოში ჩავიდა იულიუს ბრაუნტალი, ავსტრიის სოციალ-დემოკრატიულ პარტიის ცენტრალურ ორგანოს, «არბიტერ ცაიტუნგის» რედაქტორთაგანი; მან დაჰყო ჩვენს ქვეყანაში სამიოთხი კვირა, უმთავრესათ თფილისსა და ბათუმში, აპრილის დამლევს დაბრუნდა ვეროპაში. მაისის 11-ს ზემოაღნიშნულ განვითარებაში გამოაქვეყნა უკვე პირველი წერილი თავის მოგზაურობის შესახებ, რომელსაც მოცვა მთელი რიგი წერილების საქართველოს აწინდელ მდგომარეობის და ჩვენს ქვეყანაში საოკუპაციო ძალების მოქმედების შესახებ. ამ წერილებმა ძლიერ დიდი შთაბეჭდილება მოახდინეს მთელს დემოკრატიულ ვეროპაში. ბრაუნტალი პირველი ვეროპიელი სოციალისტია, რომელმაც «საბუქოთა» საქართველო ინახულა და ადგილობრივ გაეცნო ჩვენში «კომუნისტურ» შემოქმედების შედეგებს. მკითხველმა უნდა იცოდეს, რომ ის ეკუთვნის ვენის ინტერნაციონალს, რომელსაც ბოლშევიზმისადმი შერიგების პოზიციაა უჭირავს; ამავე დროს, ბრაუნტალი საქართველოში პოლიტიკური მიზნით არ წასულა, მას დავალებული ჰქონდა ამსტერდამის პროფესიულ ინტერნაციონალის ბიუროსაგან ერთი ვეროპიელი მუშების ფულით ნაციდი წამლების გადაცემა ქართველი ხალხისთვის. მით უფრო დიდის ინტერესით და ნდობით უსმენს მას ვეროპის სოციალისტური დემოკრატია. საქართველოს საკითხი ხომ სოციალისტთა და კომუნისტთა საერთაშორისო დავის ცენტრშია შექრილი, მის გარეშე დიდი ბრძოლაა ატეხილი. ჩვენმა მთავრობამ და სოც.-დემოკრ. პარტიამ მრავალი საბუთი გამოაქვეყნა ბოლშევიკების რეაქციონურ ძალმომრეობისა და უნდა ითქვას, რომ მოსკოვმა მათი გაბათილება ვერ მოახერხა, თუმცა იგი ყველაფერს უტიფრათ უარყოფდა ქართველი სოციალიტებს კონტრ-რევოლუციონერებათ ნათლავდა, რომელნიც ვითომ ქართველ მუშათა კლასმა სამარცხვინოთ განდევნა თავის ქვეყნიდან. მაგრამ მაინც სასურველი იყო, რომ ქართველ ხალხისა და მოსკოვს დავაში მიუდგომელ მოწმეთ და თუ გნებავთ მსაჯულთა დაუინტერესებელი ვეროპიელი გამოსულიყო. ამ მიზნით ავტო 14 თვეა განუწყვეტილად დაჰინებთ მოვითხოვთ საქართველოში ვეროპიელ სოციალისტ-კომუნისტების შერეულ კომისიის გაგზავნას, მაგრამ ის დღემდე არ შედგა.

და აი ისეთ მიუდგომელ მოწმეთ და მსაჯულთა, რომელმაც საკუთარის თვლით ნახა აწინდელ საქართველოს მდგომარეობა, პირდაპირ საკვირველი სისწორით დააფასა მოსკოვის 1921 წ. თებერვლის ბოროტმოქმედება ჩვენი ქვეყნისადმი, ასწერა ბოლშევიზმის შედეგები საქართველოში და ამ კლასიკურ მაგალითზე უდავოთ გამოაშუქარავა ბოლშევიზმის უარყოფითი, ყოველივე შემოქმედებას მოკლებული და ანტიხალხოსნური ბუნება.

ბრაუნტალი ახალგაზრდა მწერალია მუშათა წრიდან გამოსული, რომელსაც ახასიათებს მაღალ კულტურასა და თვითგანვითარებასთან ერთათ მუშათა კლასის ფსიხოლოგიის და ყოველდღიურ ჭირ-ვარამის კარგათ ცოდნა. სწორეთ ამ მუშური ფსიხოლოგიით, და მუშათა ფართო მასების ინტერესთა თვალსაზრისით მიუდგა ბრაუნტალი საქართველოს საკითხს და მის მოწმობას სწორეთ ამიტომ აქვს განსაკუთრებული მნიშვნელობა. ეს დააფასა ვეროპის საზოგადოებრივმა აზრმა და ცველა ქვეყნის სოციალისტური და არასოციალისტური განვითარებაში გამოეხმაურა მის მოწმობას საქართველოს შესახებ. ბევრმა გადაბეჭდა ის საცესებით ან შემოკლებით. კომუნისტური პრესსა გაწიქმატდა, მაგრამ საპასუხოთ სხვა ვეროპიური სტჟეა გარდა იმისა, რომ ბრაუნტალს «ანტანტის ჯავაში» უწოდა.


ადგილის სიმცირე ნებას არ გვაძლევს სრულად მოვიყვანოთ ანუ ბრაუნტალის წერილები. ვეცდებით ქართველ მკითხველს გავაცნოთ რაც მათში უფრო მნიშვნელოვანია და დამახასიათებელია.

„ავსტრიის მუშების დახმარება საქართველოსთვის“.

«ავსტრიის მუშათა კლასის მიერ დამშენულ რუსეთისათვის შეგროვილ თანხიდან საერთაშორისო პროფ. კავშირთა ბიურომ გამოჰყო 20 მილიონი კრონი (ავსტრიული) საქართვე-







ლოსათვის წამლები შესაქენათ. ერთ ქართველ სტუდენტს ბერლინიდან, რომელსაც ქართულისა და გერმანულის გარდა რუსული, თურქული და სომხური ენების ცოდნა ღლიერ უწყობდა ხელს თარჯიმანის როლში, ამხანაგ ცანდარელს და მე მოგვანდო ამსტერდამის ბიურომ ტრანსპორტის (20 დიდი ყუთი—220 კილოგრამი წონით) გაყოლა და მედიკამენტების ქართული საავთმყოფოებისა და ამბულატორიებისთვის განაწილება». ასე იწყებს ბრაუნტალი თავის პირველ წერილს შემდეგ ის ასწერს მოგზაურობას ვენიდან სტამბოლამდე. მოსკოვის წარმომადგენელმა ვენაში, ბრონსკიმ მათ უარი უთხრა ვიზია მიცემაზე. მოსკოვში ჩიჩერინისთვის გაგზავნილი დეპეშა უპასუხოთ დარჩა. ამისდა მიუხედავთ ის ტრანსპორტიუთ სტამბოლში მიდის და აქ ამიერ-კავკასიის «საბჭოთა რესპუბლიკების» წარმომადგენლობას სთხოვს ვიზას. ვიზას აძლევენ, მაგრამ თვითეულ პასპორტში ახდევინებენ ხუთ-ხუთ თურქულ ლირას, სულ 10 ლირას, რაც 50 ათას ავსტრიულ კრონს შეადგენს. ბრაუნტალი უხსნის კომუნისტების სტამბოლელ აგენტებს, რომ მედიკამენტები ავსტრიის მუშების გროშებითაა შეძენილი, რომ მგზავრობის ხარჯებიც იმავე მუშების ჯიბიდან იფარება; რომ თვით მეფის იტალიის და მეფის საბერძნეთის საკონსულოებმა, მიიღეს რა მხედველობაში მისიის ჰუმანიური ხასიათი, ვიზის ფული სრულიად გვაპატივეს და სხე., მაგრამ ამ მოსაზრებებმა არავითარი გავლენა არ იქონია «სოციალისტური რესპუბლიკების» წარმომადგენლებზე...

შემდეგ ბრაუნტალი მოგვითხრობს, თუ როგორ მოეწყო თბილისში წამლების და საექიმო ინსტრუმენტების განაწილება. ხანგრძლივი მოლაპარაკების შემდეგ თბილისის რევეკომი დასთანხმდა, რომ ტრანსპორტის გასანაწილებლად მოეწვიათ კომისია ჯანმრთელობის სახალხო კომისარიატის, საექიმო დარგში მომუშავეთა პროფ. კავშირის, საქართველოს პროფ. კავშირების, ქართველ ექიმათა—საზოგადოებრივ წარმომადგენელთაგან და საქართველოს წითელი ჯვრის პრეზიდენტისაგან შემდგარი. ამ კომისიამ შეიმუშავა განაწილების გეგმა. მთავრობის სურვილი იყო, რომ მედიკამენტები გადაგვეცა ბილშევიკების ხელში მცოდ აფთიაქებისათვის, მაგრამ ამაზე უარი ვუთხარიო. მთელი

ტრანსპორტი გადაეცა წითელ ჯვარს, რომელიც განაწილებს მას კომისიის მიერ შედგენილ გეგმის თანახმად საავთმყოფოებს შორის და ანგარიშს გადაუგზავნის ამსტერდამის ბიუროს. ბოლშევიკურ მთავრობას არ აქვს უფლება განაწილების საქმეში ჩაერიოს, ის მხოლოდ თვალყურს ადევნებს, რომ განაწილება წინასწარ შემდგარ გეგმის თანახმად მოხდეს.

«ამგვარათ დღეგაცეიმ აასრულა თავისი პირადი დავალება»—ამბობს ავტორი, —«მაგრამ ამას გარდა მას შეძლება მიეცა გასცნობოდა იმ ქვეყნის შინაურ პირობებს, რომელსაც 1917 წლის შემოდგომიდან 1921 წლის თებერვლამდე სოციალ-დემოკრატიული მთავრობა განაგებდა, ხოლო უკანასკნელ დატიან დღემდე კომუნისტური მთავრობა პტრობს. მე მინდა აქ გადაუჭარბებლათ და ობიექტიუათ სრულის სისწორით აღწინშნო რამოდენიმე წერილში ცველადერი ის, რაც ჩვენ ჩვენი თვლით ენახეთ, ან საბჭოთა მმართველობის გამოქვეყნებულ გამოცემებისა და კომუნისტური პრესიდან შევიტყვეთ. ამ მოთხრობას, რომელსაც გაწამებულ ქართველ ხალხს ვუძღვნით, ჩვენი ფიქრით ექნება აგრეთვე საერთო ინტერესი ბოლშევიკური პრაქტიკის გასაცნობათ. თუ, საბჭოთა რუსეთში მათ შემოქმედებას ადერხებდა ომი, ბლოკადა, სამოქალაქო ომი, ბუნებრივი კატასტროფები, როგორც ირწმუნებინან,—საქართველოში, რომელსაც ზემოხსენებული შემადგერხებელი მოვლენები ასცდა, მათ შეძლება ჰქონდათ დამეტკიცებიათ თავისი შემოქმედებითი უნარი. რაცა 1921 წლის თებერვალში საქართველო რუსის ჯარებმა დაიპყრეს, ის წარმოდგენდა, ეკონომიურის მხრით, მართალია, მძიმე პირობებში მცოდს, მაგრამ ამისდა მიუხედავთ აღორძინების გზაზე შემდგარ ქვეყანას და ოკუპაციის დროიდან მას არ უნახავს არც სამოქალაქო ომი, არც ბლოკადა. მის ბოლშევიკურ მთავრობას, ისე როგორც რუსეთისას, ვგროპის სახელმწიფოებმა უარი უთხრეს ფაქტიურ ცნობაზე, მაგრამ, მასთან ვაჭრობას და ურთიერთობას გარედან ხელს არავინ უშლის. ჩვენ გვინდა გამოვიკვილიოთ—შესძლო თუ არა ბოლშევიზმმა ქვეყნის საწარმოო ძალების განვითარება, მუშათა კლასის მდგომარეობის გაუმჯობესება, მისი ეკონო-





საქართველო  
საქართველო

მიუხრად და კულტურულად დაწინაურება, ნამდვილ პროლეტარულ თავისუფლებას დამკვიდრებულ წესწყობილების შექმნა. მაგრამ პირველი ჩვენი სიტყვა უნდა ვთქვათ მალარიის ეპიდემიის შესახებ, რომელიც თავს დაატყდა ხალხს და რომელიც მას განადგურებით ემუქრება, თუ საჩქაროთ ფართო დახმარებამ არ მოუხწრო. ავსტრიის მუშათა კლასმა მის მიერ გაგზავნილ მედიკამენტების სახით ასრულა თავისი ვალი და ქართველმა მუშებმა ეს დახმარება კიდევ დააფასეს მხურვალე სამადლოზელი სიტყვებით. მაგრამ რამდენათ ძვირფასიც უნდა იყოს ეს დახმარება საფრთხეში მყოფ საქართველოსათვის, ის მინც არაა საკმარისი კატასტროფის თავიდან ასაცდენათ. საჭირო იქნება მთელი კულტურული კაცობრიობის საერთო დახმარება ამ ხალხის დაღუპვისაგან გადასარჩენათ».

მუშები; ელექტრონის სადგურის სადგურის მუშები; არხენალის მუშები; თამბაქოს მუშები; სტაბის მუშები; ადელხანოვის ტყავის ქარხნის მუშები.

\* \* \*

**ძვირფასო ამხანაგო ბრაუნტალ!**

ჩვენ, ქალაქ ბათუმის და ბათუმის ოლქის ანტი-კომუნისტური საპროფესიო ორგანიზაციების წარმომადგენლები, უმხურვალეს მადლობას გიძღვნით იმ დახმარებისათვის, რომელსაც თქვენ უწყვეტ საქართველოს მუშათა კლასს და მოსახლეობას ამსტერდამის პროფესიონალურ ინტერნაციონალის, ევროპის მუშათა კლასის ამ უმაღლეს ორგანოს, დავაღვებით. მართალია ჩვენ ვნაშთობთ, რომ მედიკამენტები უკლებლივ არ მიადგვივნენ იმათთან, ვისთვისაც არიან გამოგზავნილი, მაგრამ ჩვენთვის განსაკუთრებით ძვირფასია ის მხურვალე თანაგრძობა, რომლის გამოხატულებას ჩვენ ამ დახმარებაში ვხედავთ. იმ დროს, როცა მთელი ქართველი ერთი საშინელ დღეებს განიცდის წითელ იმპერიალისტურ ჯარების და ბოლშევიკების დაყენებულ აგენტთა (რომელიც თავის-თავს „საქართველოს მთავრობას“ უწოდებენ) ბატონობის ქვეშ, ეს მშური დახმარება გვარწმუნებს, რომ ქართველი მუშათა კლასი განმარტოებული არ არის. ის გვაძლევს ჩვენ იმედს, რომ ყველა მშრომელთა და ჩაგრულთა დამცველი ევროპის პროლეტარიატი ვხალა აღიმადლებს სწას რუსეთის იმპერიალიზმის წინააღმდეგ და დაიცავს საქართველოს მუშათა კლასს და გლეხობას ფიზიკური განადგურების საფრთხესაგან.

ჩვენი სურვილი იყო, ამხანაგო ბრაუნტალ, რომ ჩვენი მადლობა ევროპის პროლეტარიატის საჯარო კრებაზე გამოგვეთქვა. მაგრამ დღეს ეს ჩვენთვის შეუძლებელია. საქართველოს ჩეკები და საპრობილდები სავსეა ჩვენი ამხანაგებით. მადლობის საჯაროთ თქმა გამოიწვევდა უთვალავ მსხვერპლს. და ჩვენც უნდა დაეკმაყოფილდეთ იმით, რომ წერილობით მოგახსენებთ იმას, რის საჯაროთ თქმის ნებას არავენ მოგვცემს. ჩვენ იმედს გამოვთქვამთ, რომ ჩვენი დაუღალავი ბრძოლით და ევროპის პროლეტარიატის მხური დახმარებით შევძლებთ ჩვენი თავისუფლების კვლავ მოპოვებას. და მაშინ შეძლება გვექნება ღირსეულათ გადაუხადლო მადლობა ევროპის მუშებს.

ბათუმი. 20 აპრილი, 1922 წ.

**რკინის-გველთა წარმომადგენელნი; ქალაქის თვითმართველობის მუშათა და მოხანსახურეთა წარმომადგენელნი; საბაჟო უწყების მუშათა წარმომადგენელნი; მასწავლებელთა კავშირის წარმომადგენელნი; ელექტრონის სადგურების მუშათა წარმომადგენელნი; სტამბის მუშების წარმომადგენელნი.**

ორივე მიმართვა გადაგზავნა ამსტერდამის საპროფესიო ინტერნაციონალის ბიუროს. ჩვენ არ ვაქვეყნებთ სახელ-გვარს იმ ამხანაგების,

**„საქართვე. მუშათა კლასის მადლობა.“**

ამხანაგ ბრაუნტალს გადასცეს თფილისში და ბათუმში საქართველოს მთავარი და უმნიშვნელოვანესი საწარმოო დარგების მუშათა დეპუტაციებმა შემდეგი მიმართვები, რომლებიც ხელმოწერილია თვითეული მოხსენებული მუშათა ჯგუფის წარმომადგენელთა სრული სახელით და გვართი.

**ძვირფასო ამხანაგო!**

თფილისის უმთავრეს წარმოებათა მუშების სახელით, რომლებმაც გაიგეს თქვენი ჩამოსვლის ამბავი, მრგვალმებით თქვენ, როგორც სავფარელ მძას. მხურვალე მადლობას მივუძღვნით ამსტერდამის პროფესიონალურ კავშირების ინტერნაციონალს, რომელიც აერთანებს გათვითცნობიერებულ და კულტურულათ მაღალ მდგომ მუშათა კლასს და რომელიც წარმოადგენს უმაღლესს საკაცობრიო იდეალების და მისწრაფებების ქეშმარიტ მსოფლიო სიმარგს. ჩვენ მადლობას ვუძღვნით ამსტერდამის ინტერნაციონალს იმ მორალურ და მატერიალურ დახმარებისათვის, რომელსაც ის გვიწევს მედიკამენტების მოწოდებით ჩვენი ჭრილობების გასაკურნავათ. ჩვენ დარწმუნებული ვართ, რომ მალე დადგება დრო, როდესაც დღეს მიჯაჭული საქართველოს მუშათა კლასი, ისევ დაიბრუნებს ბრძოლით თავის თავისუფლებას და მაშინ შეიძლება საქმით დაუმტკიცოს ევროპის პროლეტარიატს თავისი მადლობა.

გაუმარჯოს პროფესიონალურ კავშირთა ამსტერდამის ინტერნაციონალს!

თფილისი, 12 აპრილი 1922 წ.

**რკინის-გზის მთავარ სახელოსნოების მუშები; რკინის-გზის დეპოს მუშები; ტრამვაის**





რომლებიც ზემოხსენებულ მუშათა ჯგუფების სახელით ხელს აწერენ მიმართვებს, რადგან არ გვინდა, რომ მათი თავისუფლება საფრთხეში ჩავაყენოთ».

„კომუნისტური საქართველო“

1. მალარიის ეპიდემია.

«სწორედ ერთი წელიწადი შესრულდა მას აქეთ, რაც რუსეთის წითელი ჯარები სომხეთ-ანკერბეიჯანის მხრით და ჩრდილო კავკასიის ვიწრო უღელტეხილებით შემოიჭრენ აღორძინების გზაზე შემდგარ საქართველოში და ხანგრძლივი ბრძოლების შემდეგ შეგნებული, ძალღონით აღსაყვამ ქართველი ხალხი მოსკოვს დაუმორჩილეს. ბოლშევიკურ ბედნიერებისაგან, რომელიც ქართველებს ხიშტის წვერზე მიუტანეს, ხალხმა ჯერ-ჯერობით მხოლოდ ერთი რამ იგემა: ეს რამოდენიმე თვეა საქართველო შეიპყრო სხვადასხვა ეპიდემიებმა და შიმშილმა ისეთი კატასტროფიული ხასიათი მიიღო, რომლის მსგავსი მის ისტორიას არ ახსოვს». ასე იწყებს ბრაუნტალი თავის მეორე წერილს, იმავე «არბაიტარ-ცაიტუნგში» (17 მაისი). ადგილობრივ შეკრებილ სტატისტიკური ცნობებით, მალარიის სპეციალისტების მოწმობით, თვით კომუნისტურ წყაროებით ავტორი ამტკიცებს, რომ მალარიის ეპიდემია საშინლად გაიზარდა ბოლშევიკების შემოსვლის შემდეგ. მაგ., 1918 წ. რკინის-გზის მოსამსახურეების მხოლოდ 21,7% იყო ამ სენით შეპყრობილი, 1921 წ. კი—40,4%. საბურთალოში 1922 წ. იანვარში მცხოვრებთა სისხლის გასინჯვას გამოუშვარაგებია, რომ მათი 63% მალარიითა ავით და სპეციალისტების მოწმობით მომავალ წელში მოსალოდნელია მთელ მოსახლეობას მოედოს სენი. ასევეა სოფლათ.

«... რას უნდა მივაწეროთ ის გარემოება», ამბობს ავტორი, «რომ მებრძოლ საბჭოთა ჯარებს თან მოჰყვა სენი და შიმშილი: შემთხვევას თუ აუცილებლობას? კატასტროფიული შიმშილი, საქართველოშიაც, ნაწილობრივ ცუდი მოსავალითაა გამოწვეული. ეგვევ არ იქმის მალარიის შესახებ.» შემდეგ ბრაუნტალი მოუთხრობს ევროპიელ მკითხველს, რომ საქართველო თავისი ბუნებრივი პირობების წყალობით მალარიისი ქვეყანაა, რომ ეს სენი იქ მუდამ მძინვარებდა, მაგრამ თვით

ცარიზმის დროსაც კი მისი საბრძოლველი საშუალება, ქინა-ქინა, მცხოვრებთათვის შედარებით ადვილი ხელმისაწვდომი იყო. მაღარიან ადგილების მცხოვრებლები ოკუპაციამდე დიდძალ ქინა-ქინას ხმარობდნენ. შემდეგ ავტორს აწერილი აქვს ქართველ მკითხველისთვის კარგად ცნობილი მოვლენა: საოკუპაციო მიმართველობის მიერ აფთიაქების «სოციალიზაცია» და მისი შედეგი—წამლების და მათ შორის ქინა-ქინის გაქრობა. ბაზარზე ქინა-ქინა გაქრა, თვით ბოლშევიკურმა ჯანმრთელობის ბიუროკრატამ მისი შექმნა ვერ შესძლო და ამნაირად «სოციალიზაციის» წყალობით მედიკამენტები მცხოვრებთათვის მიუწვდომელი გახდა. «გასულ წელს მალარიასთან საბრძოლველათ საქირო იყო არა ნაკლებ 5 ათასი კილოგრამი ქინისა, მაშინ როდესაც მოიპოებოდა მხოლოდ 200 კილოგრამი. ამას ამბობს სრულიად გულახდილათ ფინანსთა კომისარი სვანიძე თავის მოხსენებაში, რომელიც მან 1921 წ. ოქტომბერში სახალხო კომისართა საბჭოს წარუდგინა და სადაც ის ასწერს, როგორ მოუსპო თავისი «ბრძნული» პოლიტიკით ჯანმრთელობის კომისარიატმა ხალხს ქინის და საზოგადოთ წამლების შოვნის საშუალება, როგორ დაამოწა კურორტებზე ავთომცოდები და სხვა; სვანიძე მოითხოვს ამ დაწესებულების გაუქმებას. «ნაშდვილათ კი, განაგრძობს ბრაუნტალი, ის დღემდე არ გაუუქმებიათ; მისი გატაცება კურორტებზე «ზრუნვით» ოდნავათაც არ შემცირებულა, მაგრამ ოდნავათაც არ გაზარდოდა მისი მზრუნველობა მედიკამენტების შოვნის და ავთომცოდების მოვლის საქმეში. ჩვენ ვინახულეთ თფილისის და ბათუმის ყველა საავთომცოდები და ამბულატორიები და დავკითხეთ მრავალ ექიმებს, რომლებმაც ჩვენ დაგვარწმუნეს, რომ მართლაც არ მოიპოვება სრულიად ელემენტარული და აუცილებელი წამლები... «მაგრამ ქინის უქონლობა განსაკუთრებით კატასტროფიულია. მალარიის გავრცელებას აღარაფერი აფერხებს და მალარია კი ხელს უწყობს სხვა სენებს—როგორცაა ტიფი, ხოლერა, ქლეტი და სხვ. «მას მოჰყავს აჭარის ექიმის გაგოს მოწმობა, რომლის ცნობით 1922 წლის პირველი სამი თვის განმავლობაში ბათუმის საავთომცოდში 537 ტიფით ავთომცოდი იწვა. «ბათუმში ექიმმა გვგომ





ქართული  
კომუნისტური  
პარტია

დამათვლიერებია პარტახტიანი ტიფის ბარაკი, საცა 60-ზე მეტი ავთომოფთი იცო და მითხრა—თითქმის ამაზე მეტი მოგვდის ცოველ კვირაში!»

ქინა-ქინის სრულ უქონლობას ზედ ერთვის შიმშილი. საქართველოს ყველა მცხოვრებნი—მეტათ თუ ნაკლებათ შიმშილობენ, 450,000 კაცი კი პირდაპირ დამშეულია, სრულიად უსაზრდოთაა. საჩჩოს ნაკლებობა სხეულს ასუსტებს და ხელს უწყობს მალარიის გავრცელებას.

«ამგვარად საშინელ ციების გავრცელების ყოველგვარი შემათერხებელი პირობები მოსპობილია. თუ გასულ ზაფხულს, როგორც საუკეთესო ექიმი-სპეციალისტები მოწმობენ, ნახევარი მილიონი მცხოვრები იცო ავათ მალარიით, მომავალ ზაფხულში ავთომოფთა რიცხვი 750,000-მდე ავა.» ამას თან დავმატება სხვა საშინელ სენთა გავრცელება-გაძლიერება. «შემაძრწუნებელი ჭეშმარიტებაა, რომ თუ საქართველოს დროზე დიდი მასშტაბით დახმარება არ მივაშველეთ, მისი მოსახლეობა რამოდენიმე წელიწადში სრულიად ამოწყდება.» ბრაუნტალის ცნობით ამ წლისათვის საქართველოს დასჭირდება არა ნაკლებ 7,000 კილოგრამი ქინა-ქინა. სად არის შველა? «შველის მიწოდება შეუძლია მხოლოდ ევროპის და ამერიკის დარაზმულ კუმანიურ ძალებს; და ეს შესაძლებელია. საკმარისია, რომ ორივე კონტინენტზე მხოლოდ 7 მილიონმა კაცმა ერთგვარი ქინა-ქინის გადასახადი დაიდონ, თითოეულმა თითო გრამის გადახდა იკისროს, რომ კატასტროფა აცილებულ იქნას. ხოლო თუ არავინ მიაწოდა დახმარება საქართველოს, ის აუცილებლად დაიღუპება.»

**2. შიმშილი და მეურნეობის დაშლა.**

(„არბ.-ცაიტუნგი“, 19 მაისი 1922 წ.)

როცა ჩვენ შიმშილზე ვლაპარაკობთ, ამბობს ბრაუნტალი, სახეში გვაქვს შიმშილის არა ის მცნება, რომელსაც უკანასკნელ დრომდე იცვენ ჩვეული ევროპელები, არა საკვები სურსათის ნაკლებობა, არამედ სრული დამშევა ამ სიტყვის პირდაპირი მნიშვნელობით, საკვები სურსათის სრული უქონლობა, ე. ი. ის მცნება, რომელიც ჩვენ უკანასკნელ დროს რუსეთში დატრიალებულმა ამბებმა შეგვათვისებია. სა-

ქართველო ამ დარგის შიმშილის კარზე დგას. პროვინციების მთელ რიგს, რომელთა მოსახლეობა 450,000 კაცს უდრის, გასული წლის ზაფხულში ეწვია გვალვა. მართალია, აქ მას ისეთი გამანადგურებელი შედეგები არ მოჰყოლია, როგორც ვოლგის მხარეში, მაგრამ, ცოველ შემთხვევაში, მას ჩვეულებრივზე გაცილებით ნაკლები მოსავალი მოცვა. დღევანდის განზრახვა ჰქონდა დამშეული რაიონები დაეთვლიერებია, მაგრამ კომუნისტურ ხელისუფლების მატარებლებმა, სახელდობრ დამშეულთა დამხმარე კომიტეტის თავმჯდომარემ—ფ. მახარაძემ საკმაო საბაბები გამოიხატა, რათა ეს განზრახვა ჩაეშალა. დაბრუნებისას ბრაუნტალს შეძლება მიეცა პირადად მისულიცო სოფ. ქედაში (ბათუმის ოლქში), რომელიც ერთ-ერთ დამშეულ რაიონს ეკუთვნის. აქ ის დარწმუნდა, რომ გლეხებს არ გააჩნია არავითარი სხვა საზრდო, გარდა მწვანილის და ბალახისა. არამც თუ საკვები სურსათი, სათესი მასალაც სრულიათ არ მოეპოვებთ. მეზობელ სოფლებში, გლეხების მოქმობით, საქმე უარესათ თუ არა, უკეთესათ არ არის. «ამ ნაირად მრავალი ასი ათასი ქართველი უკვე შესდგა იმ საშინელ გზაზე, რომელიც უკვე განვლეს მრავალმა მილიონმა რუსის გლეხებმა.»

და აქაც ბრაუნტალი, როგორც მალარიის შესახებ, სვამს კითხვას: მხოლოდ გვალვას უნდა მივაწეროთ ქართველი ხალხის დამშევა, თუ სხვა ფაქტორებმაც შეუწყვეს მას ხელი? და უპასუხებს: თუ რუსეთის უმაგალითო დამშევა მართო გვალვას არ მიეწერება, მით უფრო ნაკლები საბუთი გვაქვს, რომ მხოლოდ გვალვას მივაწეროთ საქართველოს დამშევა, რადგან აქ გვალვა საერთო მოვლენა არ ცოფილა, ეს ბუნებრივი უბედურება ასცდა ქვეყნის საუკეთესო, უნაყოფიერეს მხარეებს და ამასთან საქართველო ხომ არ არის მოწყვეტილი ქვეყნიერებას, როგორც სამარა ან ბაშკირია; მას აქვს ორი კარგი ნავთსადგური, საიდნაც სურსათი ძლიერ ადვილი მისაწვდენია; ის კი არა, თვით ბათუმში და თფილისში ბაზრის მრავალი საწარმოები საესეა სურსათითო. დამშეულთა დამხმარე კომიტეტის გამოანგარიშებით დამშეულ საქართველოს გამოსაკვებათ და სათესლე მასალით უზრუნველსაცოდად საკმარისია 2 მილიონი ფუთი ხორბალი. ამ სურსათის შე-





მოტანა არ უნდა გასჭირვებოდა თვით ღარიბ საქართველოსაც, რომლის მრავალი რაიონი წინადაც ცოველ წლიურად, შემოტანილი პურით იკვებებოდა. «ნამდვილათ შიმშილის კატასტროფის გადამწყვეტი მიზეზი სრულიადაც არ არის გვალვა, არამედ, როგორც ჩვენ ვხლავ დავამტკიცებთ, მეურნეობის და სახელმწიფო ფინანსების სრული დანგრევა, რომლის წყალობით სახელმწიფო აპარატს ცოველივე უნარი ერთმევა მოსახლეობის არსებობის უზრუნველ საცოფათ რაიმე, თუ გინდ სრულიად უბრალო, ელემენტარული ზოკები განახორციელოს».

«საქართველოს დამოუკიდებელ რესპუბლიკის რუსულ სატრაპიათ გადაქცევამ ერთის დაკვრით გასტეხა ქვეყნის საწარმოო ძალები. ჯერ გლეხობამ, ამ გადამწყვეტმა საწარმოო ფაქტორმა—საქართველო ხომ აგრარული ქვეყანაა—უარი უთხრა სახელმწიფოს თავის შრომაზე; გლეხებმა შეამიკრეს დასამუშავებელი მიწა, ნაწილობრივ შიშით, რომ მათ შრომის ნაცოფს წაართმევდენ, ნაწილობრივ მათთვის ძალით თავზე მიხვეულ რეჟიმისადმი ზიზღის გამო.» აქ ავტორს თავისი დებულების დასამტკიცებლათ მოჰყავს სასურსათო კომისარიატის ხელმძღვანელის, ერქომაიშვილის მოწმობა. შემდეგ ის ფინანსთა სახალხო კომისარის სიტყვებით (სვანძის მოხსენება სრულიად საქართველოს საბჭოების ყრილობაზე, თფილისელ «ტრიბუნის» 164 №-ს ანგარიშით) აჩვენებს ევროპიელ მკითხველებს, თუ როგორ დაეცა სახელმწიფო მამულების შემოსავალი, რომელიც მენშევიკების დროს, სვანძის სიტყვით, ბიუჯეტის დიდ ნაწილს ფარავდა, ხოლო ბოლშევიკების დროს, როგორც იგივე სვანძე ამბობს, არამც თუ არაფერს იძლევა, პირიქით 50 მილიონ რკრს მანეთს ითხოვს თავის საკუროების დასაფარავად. «ამაირადო, დასკვნის ბრაუნტალი, ჩვენ ვხედავთ საბჭოთა ბიუროკრატის სრულ უუნარობას აგრეთვე აგრარულ მართველობის სფეროში».

შემდეგ ის ოფიციალური სტატისტიკით ამტკიცებს, რომ შავი ქვის წარმოება უკეთესად ში სრულიად შეწყდა წითელი ჯარების შემოსვლის შემდეგ, საგრძობლად შემიკრდა უკვე დამზადებულის გაზიდვა ევროპაში; ტუბულის ნახშირის წარმოების ნაცოფიერება კი ერთ-

ათათ დაეცა. ჟურნალ «კავშირის» სტატისტიკური ცნობებით ერთი მუშის შრომის საშუალო დღიური ნაცოფიერება რამდენიმე თვის განმავლობაში საქართველოს დაპყრობის შემდეგ დაახლოვებით 1/3-ზე ჩამოვიდა 1921 წლის იანვართან შედარებით.

«და თუ-სასოფლო მეურნეობა, შავი ქვის და ნახშირის წარმოება განადგურდა, რით უნდა იარსებოს საქართველომ? წარმოების ამ დარგების გარეშე მას ხომ მნიშვებელოვანი აღარაფერი გააჩნია». შეიძლება კიდევ ლაპარაკი რკინის-გზის სახელოსნოებზე თფილისში, ხაშურში, სამტრედიასში და ბათუმში. «ჩვენ შევძელით მხოლოდ ბათუმის სახელოსნოების ნახვა. ჩვენ იძულებული გავხდით ხელი აგველო უდიდეს სახელოსნოების დათვალიერებაზე თფილისში, რადგან მუშების დეკლუტაციამ გვამცნო, რომ ამ სახელოსნოების მუშებს გადაეწყვიტათ ჩვენი მისვლა, რათაც არ უნდა დამჯდარიცო ეს, დემონსტრაციით გადაექციათ კომუნისტურ მთავრობის წინააღმდეგ და ამსტერდამის ინტერნაციონალის სასარგებლოთ, რაიცა ჩვენთვის არ იყო სასურველი, რადგან ჩვენი მისიის მიხედვით გავურბოდიო ცოველივე პოლიტიკურ აქტში მონაწილობას. ამს გარდა ჩვენ ვერ ვიკისრებდით პასუხისმგებლობას მუშების მრავალიცხოვან დატუსალებისათვის, რომელსაც ეს დემონსტრაცია გამოიწვევდა. ბათუმის სახელოსნოებმა კი ჩვენზე ძლიერ მიძიე შთაბეჭდილება მოახდინეს.» აქ ავტორი ასწერს იმ უმწეო მდგომარობას, რომელიც საოკუპაციო მართველობამ შექმნა საქართველოს რკინის-გზაზე. ვაგონები, ორთქლმავალები, ლიანდაგი ისეთ მდგომარეობაშია, რომ კაცი ვერც კი წარმოადგენს, თუ საკუთარი თვალით არ უნახავსო. ბრაუნტალი დაწვრილებით ასწერს ვაგონების შინაგან მორთულობის გაბინძურებას, გაფუჭებას, ხშირ კატასტროფებს და სხვ. უკეთეს მდგომარეობაშია კვირაში ორჯერ თუ სამჯერ თფილის-ბათუმს შორის მიმავალი «ექსპრესი» მატარებლის ვაგონები, რომელსაც ხალხი «სპეკულიანტების» მატარებელს უწოდებსო. მაგრამ ის ჩვეულებრივ მომაკვდავისთვის მიუწდომელია, რადგან მის ბილეთს ხუთჯერ მეტი ფასი აქვს, ვინემ ჩვეულებრივი მატარებლისას. რომ საქართველოს რკინის-გზები ერთი წლის განმავლობაში ასე გაოხრებულა,





ამაში დანაშაული მარტო ადგილობრივ მართველობას არ უძევს. მოსკოვის ცენტრალურმა რკინის-გზის მართველობამ, რომელსაც საქართველოს ოკუპაციის შემდეგ მთელი ამიერკავკასიის ხაზი დაუქვემდებარეს, მოძრავი შემადგენლობის უდიდესი ნაწილი, საუკეთესო ვაგონები და ორთქლმავლები, უსასციდლოთ გარეკა რუსეთში და საქართველოში უვარგისები დასტოვა. ასეთ პირობებში მით უმეტეს აუცილებლად უნდა მიიჩნიათ ცველა ადგილობრივ მუშა ძალების გამოყენება სარემონტო მუშაობისათვის.» მაგრამ ბათუმის სახელოსნოების დათვალიერებამ ავტორი დაარწმუნა, რომ ამაზე არავინ ზრუნავს. «ჩვენ პირდაპირ გავგაოცა იმ გარემოებამ, რომ ბათუმის სარემონტო სახელოსნოებში სერიოზული მუშაობის კვალიც ვერ ვნახეთ. ერთ ორთქლმავლთან ორი-სამი მუშა მუშაობდა.

მრავალ დაზგებთან ნ მუშის მეტი არ იყო; სამუქედლოში—ნ კაცი ვნახეთ, დიდ სადურგლოში მხოლოდ სამი. გაკვირვებულნი, შევეკითხე წარმოების კომისარს, რომელიც ჩვენ გვახლდა—რამდენი მუშა მუშაობს სულ მეტიქი. «93-იო», მიპასუხა, «მაგრამ დღეს აქეთ-იქით არიან მივლინებულიო.» როცა შევეკითხე, რატომ სავსებით არ იყენებენ წარმოების ნაყოფიერებას, რატომ მეტი მუშა არ მუშაობს, რატომ რიგ-რიგობით მუშაობა არაა შემოდებული, მან ვერავითარი პასუხი ვერ მომცა. რადგან ის ვერ მეტყვოდა გულაზდილად, რომ სწორედ საუკეთესო კვალიფიციური მუშები, რომლებიც ქართველ სოციალ-დემოკრატიის მოწინავე რაზმს შეადგენენ, მეტეხის, ორთაქალის ციხეების და ჩეკების საკანებში ჰყრიან და წარმოებისათვის მოუხმარებელი არიან.» «ის უქმმარტება, რომ ასეთ პირობებში ერთ მშვენიერ დღეს რკინის გზის მთელი წარმოება სავსებით უნდა დადგეს, ჯერ კიდევ ვერ შეუგნიათ რუსეთიდან საოკუპაციო ჯარებს შემოყოლილ რევოლიუციის «სპეცებს», რომლებიც საქართველოს სახელმწიფოებრივ ცხოვრებას და წარმოებას დაპატრონებინან.»

(შემდეგი იქნება)

### გამარჯვებული ფრონტი.

(წერილი დაპყრობილ საქართველოდან)

ბევრი, ძალიან ბევრი გაგეგონება ამხანაგო მკითხველო, კომუნისტების სამეფოებში. ცოველი მოვლენის გამო ისინი ფრონტს აცხადებენ. თუ გახსოვთ, დაიწეს ტილების წინააღმდეგი ფრონტი და მას აქეთ ფრონტი ფრონტს მოსდევს. სურსათის შესაკრები (იგულისხმე წასართმევი) ფრონტი, ტრანსპორტის აღსადგენი ფრონტი, სათბობ მასალის ფრონტი, ეპიდემიასთან ბრძოლის ფრონტი და სხვა. მაგრამ ცველა ეს ფრონტები თავდებოდა და თავდება სიმშვილობის ფრონტით, ხოლო ეს უკანასკნელი თავის მხრით თავდება ადამიანთა ურთიერთ უამის წინააღმდეგ ფრონტით.

მხოლოდ ერთ ფრონტზე არიან ეს სწორუპოვარი «რევოლიუციონერები» მუდამ გამარჯვებული. ერთად ერთ ფრონტზე უღიმისთ ბედი ამ უებრო სოციალისტებს. ეს გახლავს თავისუფლების წინააღმდეგ მებრძოლი ფრონტი თავის ჩეკა-სატუსალო-სასაკაოებით, ამ ფრონტზე მათ ბადალი არ ცავსთ.

მათ მიერ გაბედნიერებულ ჩვენ სამშობლოშიაც კომუნისტები წარმატებით მხოლოდ ამ ფრონტზე მუშაობენ. ცველა მათ მიერ გამოცხადებული ფრონტები აქაც შიმშილის ფრონტით გათავდა, ხოლო თუ ეს უკანასკნელი კაცის მძორის უამიანობის ფრონტით არ იქცა, ეს მათი ბრალი არაა, ამაში ბრალი ქართველი ერის კულტურას მიუძღვის. სულ სხვაა ერის თავისუფლების წინააღმდეგ მებრძოლი ფრონტი. აქ მათ არ იკმარეს სიტყვის, ბეჭდვის, კრების, კავშირების და სხვა «ბურჟუაზიულ» თავისუფლების უხეშათ ჩაკვლა, მათ აქ თავისუფალი აზრი და თვით თავისუფალი ფიქრიც კი აკრძალეს. ჩეკა თავისი ლეგიონი თანამშრომლებით და საეკზეკუციო რუსული პოლკებით, ოკა თავისი პოლიტიურითი (იგივე ჩეკა), საოკუპაციო მთავრობა თავისი ნაცაზადარი კომისრებ-მილიციონერებით, კომპარტიის ცეკა თავისი კომიაჩეიკებით, ცველა ესენი ერთმეორეს ექიშებინან ქართველი დემოკრატიის, განსაკუთრებით მისი სოციალისტური ნაწილის დევნაში. რესპუბლიკის ცველა სატუსალოები სავსეა ქართველი მუშებით, გლეხებით და ინტილიგენტებით, მაგრამ ერთხელვე გამარჯვე-



0276/8

F1294/1  
1928

ბული ფრონტი თანდათან მეტ ენერჯიას იჩენს და ჩხრეკა დატუსალებაც უფრო გაძლიერებული ტემპით გრძელდება.

გენუის მოლოდინში რუსეთში ჩეკები გააუქმეს. სამაგიეროდ, იქ უსაქმოდ დარჩენილი მადებრები და ჯალათები ჩვენში ჩამოიყვანეს და არსებული ჩეკები გააძლიერეს. ამასაც არ დასჯერდნენ და ერთი ახალი ამიერ-კავკასიის ჩეკაც დაარსეს თბილისში, რომელმაც მოახინა თავის აგენტებით სამივე რესპუბლიკები და შეუდგა მოქმედებას.

იგივე გულუბრყვილონი, რომლებიც ფიქრობდნენ, რომ გენუის გახსნის დღეებში ჩვენშიაც გააუქმებდნენ ჩეკას, გააღებდნენ ციხის კარებს და საერთოდ უმიზეზოდ დატუსალებას თავს დაანებებდნენ, მაგრამ მოხდა სულ წინააღმდეგი.

აპრილის პირველ რიცხვებში გააძლიერეს მთელ საქართველოში ჩხრეკა-დაპატიმრება. ისედაც ავსებულ ციხეებს ცველგან ასობით უმატებენ სულ ახალ-ახალ ჯგუფებს, უმთავრესათ მუშებისას. ციხეებსა და ჩეკის სარდათებში მუშები ერთი მეორეზეა მიწვობილი თევზებივით, ხოლო მათი ცოლ-შვილი ქიშკართან დგანან რიგში, რომ თავის ტუსაღთ პური და მწვანელი მიწაოდნენ, რომ შიმშილით მაინც არ მოუკვდესთ, სანამ სახადი კიდევ არ შეყრიათ. ძველ ტუსაღების ცოლ-შვილს ახლებსაც მიემატა და გადიდდა ვაი და ვიში. ზოგი «კეთილი» კომუნისტი, უფრო კი ზათი ცოლები, ამედებენ დატუსალებულთა ოჯახებს: ნუ სუხაროთ, 10 აპრილის შემდეგ ყველას გაანთავისუფლებენ, ეს მხოლოდ სიფრთხილისათვის არის, რომ გენუის გახსნის გამო გაფიცვები არ მომხდარიყო. როცა 10 აპრილის «სიციხე» გაუარათ, მართლაც დაუწყეს გამოშვება ცოტ-ცოტაობით, მაგრამ აქ უცბათ გაახსენდათ, რომ პირველი მაისი ახლოვდებოდა და გაშვების მაგიერ ისევ დატუსალება დაუწყეს, მხოლოდ პირველი მაისის შემდეგ ჩეკას 26 მაისი გაუჩნდა და ამიტომაც მისი სატუსაღოების კარებები შემსვლელთათვის უფრო ფართოდ იღება, ვიდრე

გამომსვლელთათვის. თვით ციხეებში კი ისევ ვიწრობა, შიმშილი, ადმინისტრატორთა და რუს ჯარის კაცების ლანძღვა-გინება, ავთომტოფობა და უწამლობა არის. ტუსაღებს გაზეთებში წაუკითხავთ, რომ ბრალულმა წამლები ჩამოუტანა ვენიდან საქართველოსა და კითხულობენ მნახველებში: ნუ თუ ეს მართალია. მაშ ერთი პარაშოკი ქინა რათ არ მოაქვთ ციხეში? ამ ქამათ თფილისის სატუსაღოებში მუსრს ავლებს პარტახტიანი სახადი. სხვათა შორის ამ დღეებში იქ გარდაიცვალენ ორი საუკეთესო ამხანაგები, ქუთაისის სოციალ-დემოკრატიულ ორგანიზაციის წევრები—ილია წიქორიძე და დიმიტრი ჯაოშვილი. ილია წიქორიძე—ეს მუშა ინტელიგენტი, ჩვენი გაზეთის მუდმივი თანამშრომელი, მოკლეს ძალათ, მოკლეს უწამლოდ და მოუვლელათ. ამავე დროს ცოლი ითხოვდა: დამანებეთ, მოვარჩებ და მეტრე ისევ წაიყვანეთ.

ჩეკას შემოქმედებას კი საზღვარი არ უჩანს. ამ დღეებში მან მოიგონა ახალი სასჯელი-უვადლო ციხეში ჯდომა. უვადლო დატუსაღების მისჯას უცხადებენ მთელ რიგ ამხანაგებს, მათ შორის ამხანაგ გრიგოლ ლორთქიფანიძეს, რომელთაც გასულ წელში ბრალდების წაუყენებლათ სამი თვე მიუსაჯეს, ვადის გათავების შემდეგ მეორეთ და მესამეთ გაუგრძელეს, ხოლო დღეს ეუბნებიან: ჩეკამ უვადლო ციხეში ჯდომა მოგისაჯათო.

ჩეკა განაგრძობს ხვრეტასაც. 14 აპრილს სწორეთ იმ დროს, როცა გლეხებს სააღდგომო საკლავათ ღორები გამოყავთ სამწყვდევიდან, გაიყვანეს და დახვრიტეს 30 კაცი, მათ შორის 26 რუსი წითელი არმიელი. ამბობენ, რომ მათი უმრავლესობა როსტოვიდან ჩამოიყვანეს თფილისში დასახვრეტათ, ვინაიდან უნდოდათ დაემალათ წითელი ჯარის ნაწილები, თვის რა მოუვიდათ მათ ამხანაგებსო.

აი, ასეთი არის კომუნისტების «გამარჯვებული ფრონტი», მუშებისა და გლეხების საუკეთესო შვილების წინააღმდეგ.

ძველი.